

四庫全書薈要

• 乾隆御覽本

子部

欽定四庫全書薈要

子部

太玄經卷

三

四



太玄經卷三

漢揚雄撰

晉范望注

從更至應第三

方一州更地玄陽家一水

陽氣既飛變勢易形物

改其靈

行屬於水謂之更者清明節終於事首之上九

陽氣上在天中故言既飛萬物洪舒變形易體

初一冥

改其靈曜故謂更更之初一日入昴宿九度

初一冥

化否貞若性

水居陽家故冥冥者未有所見故否水

測

曰冥化否貞少更方也

方當發行必改其常處也

次二時七時九軫

轉其道

二與七合為九金也金王則火死道數相害故軫轉也家性為更更而得道故言時也

測

曰時七時九不失當也

金火相避故不失於當也

次三化白于泥溜

三春為青木到秋則白故言化白在陰之中故言溜溜黑也家性為更展轉其道故色變也

測曰化

白于泥變不明也

變白為黑故不明也

次四更之小得用無不利

四陰位也陰稱小金為利陰中之利故小得也更而小得故無不利也

測曰更之小得民

所望也

改更而利故百姓之所瞻望也

次五童牛角馬不今不古

五為天位

以道化民馬童牛角是其常也家性為更更而顛倒蓋非其宜既不合今亦不合古古今不合宜于之更也

測曰童牛角馬變天常也

更物之性而為治術非天常道也

次六入水

載車出水載杭宜于王之更

六為宗廟重陰所在下之所奉唯謹唯敬家道變改

車杭易位宜在更世以求正故言宜于王之更也

測曰車杭出入其道更也

車水

途船宜更道也

次七更不更以作病

火焚宿菜以殖嘉穀更之道也宜更而不更嘉穀之

病也測曰更不更能自臧也

而自否臧玄之道也

次八駟馬跂跂而

更其御

八為東方其宿值房房為天駟故曰駟馬也跂跂不調也馬而不調故更御也

測曰馬

馬跂跂更御乃良也

更以得善故良也

上九不終其德二歲見

代

九在更家而為之終終始以得則不代也三者數終九亦為極極上反下宜于之更故曰見代也

測

曰不終之代不可長也

不終其德何可長也

䷊

二方一州斷地玄陰家二火一部二家斷下中象卦

陽氣彊內而剛外動而

能有斷決

行屬於火謂之斷者陽氣上在五位之上內外剛壯能所斷決於萬物故謂之斷斷之初

一日入畢宿三度

初一斷心滅斧冥其繩矩

水以平施在內為心陽位火世故以

斧諭斧以治木繩以正曲矩以為方墨模一正道化大行德正剛毅威壯之治可以斷疑也

測曰斷

心滅斧內自治也

修內表外君子所以為德

次二冥斷否在塞耳

陰

也亦為目目在陰中故冥家性為斷當明目聰聽以定衆疑今日既不明而塞耳掩聰不採風聲故曰否也

測曰冥斷否中心疑也

耳目不明故心疑也

次三決其聾輕利以

治穢

三為異異為風風喘息之象也故為難斷決之事
宜當明目聽耳依乎八議廣采風俗以求比據而

耳目途塞香臭不聞非所以為斷也三而決
之除治穢疾議獄緩死不失其法故以利也

測曰決其

聾聵利有謀也

除穢治疾所以謀利也

次四斷我否食非其有恥

四金也在斷之家宜以治人既在大行陰家之陰故欲
否也民治法明臨事有績故可食祿以居官位今四公

侯也斷而不當見
譏素餐故有恥也

測曰斷我否食可恥也

恥無功者也

次五

大腹決其股脫君子有斷小人以活

五為天位故稱君子腹諭合藏股以

諭臣臣而有脫君當決
正正以其理故民活也

測曰大腹決脫斷得理也

決理也決

理臣姦言得
其道理也

次六決不決爾仇不閤乃後有鉞

仇怨也
閤遠也

鉞斧也仇謂七也鉞謂九也六為上祿五之所尊廟勝受斧以征不庭而所決不決故仇近也所斷不當戰伐將興故測曰決不決辜及身也所決不決身之累也次七庚斷甲

我心孔碩乃後有鑠

庚義也甲仁也孔甚也碩大也鑠美也七在斷世失志之人猶能以

義斷於仁故甚大也先失後得故美在後也

測曰庚斷甲義斷仁也

以義斷於仁者

也次八勇侏之尙盜蒙決決

無道為侏反義為尙八為大母時在子家陰位之陰

故為盜無道反義眾惡所歸故宜決

測曰盜蒙之決妄斷也

斷不以上九斧義故妄

刃蛾蛾利匠人之貞

貞正九為金故為斧匠之利利斧猶君之利利賢匠非斧無以展其巧君

非賢臣無與共其治故利匠人之正

測曰蛾蛾之斧利征亂也

斧刃蛾蛾故可以征亂也

三

二方一州一部三家

毅地玄陽家三木下上亦象卦

陽氣方良毅然敢行物

信其志

行屬於木謂之毅者陽氣已威方周六位上下良而毅毅然便行於事無所拘忌故萬物信其

志而長大故謂之毅毅初一懷威滿虛

一木也冬則成冰故謂之威易

之初一日入畢宿七度也虛空

測曰懷威滿虛道德亡也

也雖威而消故言滿虛也

以威自務非次二毅于心腹貞

貞正也大性炎上因其父母又在毅家益其壯

道德之謂也次二毅于心腹貞

大也雖則嚴毅懷在心腹終測曰毅于心腹內堅剛也

不宣揚以從善道故正也

守道貞正故次三戴威滿頭君子不足小人有餘

二木重生

乃堅剛也將上刺天天氣尊高不可得及適足自見在於頭上故戴威也君子之威威而不猛小人務威終則奢僭行過

於惡故有餘也

測曰戴威滿頭小人所長也

自務大也

次四君子說

器其言柔且毅

金為口舌故稱言金性剛強今在陽家陽家之陰故柔且毅也剛柔相戴故稱

君子君子之人故能申說器用於人也柔不失剛剛不失柔四能兼之故言柔且毅也

測曰君子

說器言有方也

方道也有君子之美道也

次五不田而穀穀于棟祿

五為天子家性為穀穀然自抗處高食祿故不田也處高祿貴故稱棟也

測曰不田而穀食

不當也

但自抗舉無德於民故不當也

次六穀于棟柱利安大主

棟以諭君

柱以諭臣言能穀然不違於法故利也君臣正大主安也

測曰穀于棟柱國任彊也

君臣得位故彊也

次七觥羊之穀鳴不類

類法也觥羊大羊也七主未未為羊大羊

在殺家故
鳴不法也

測曰觥羊之殺言不法也

羊雖觥大非鳴聲之法物也

次

八殺于禍貞君子攸名

八木也以殺近金故禍也在禍而正故貞終當免難故君子之

所名也

測曰殺于禍貞不可幽部也

背已之禍故不幽隱正言之也

上九

豨殺其牙發以張弧

九為金故稱牙金為弧弧矢飛兵以威不法而有豨以牙為害故

以弧矢論也

測曰豨殺其牙吏所獵也

獵捕也七為九吏九雖欲動七以大角捕

治之也



二方一州二部一家

裝

地玄陰家四金中下象旅卦

陽氣雖大用事微陰據

下裝而欲去

行屬於金謂之裝者殺雨氣終於此首之次三立夏起於此首之次四太陽用事微

陰當升陽氣方裝束而消去故謂之裝裝之初一日入畢宿十一度初一幽裝莫見之行首也一為裝始始當幽隱裝束而徙故莫見之道路也陽氣升上乃復適下故先自隱也 測曰幽

裝莫見心已外也

雖尚在位當徙之心已外去也

次二鵲鵲慘于冰翼

彼南風內懷其乘

二南方也為朱鳥鳥而近水故稱鵲鵲鵲水鳥遇冰則困故慘也南風

陽氣鳥之所利故懷其乘正也

測曰鵲鵲之慘懷憂無快也

慘然懷憂故不快也

次三往其志或承之喜

三居陽樂進亦為進人進德及時故往其志也志意一進故有

喜而承之也

測曰往其志遇所快也

福善所承故遇快也

次四鵲雞朝

飛蹕于北嚶嚶相和不輟食

四為西方酉雞也朝飛而鳴故鵲雞也言相和者飛

踣於北南則鵲鵲南北交通故相和也鵲測曰鵲雞朝

飛何足賴也

羣鳥相遇所賴微也

次五鴻裝于溜飲食頤頤

溜水也齊

有臨溜縣因水為名也五為天位故稱鴻鳥六亦為水水是鴻利故飲食乃頤頤也測曰鴻裝于

溜大將得志也

水鳥得其水是其志矣

次六經衢周九路不限其

行賈

水性流行而在裝束之世處六衢之地注衍流通無所拘制商賈之索利無有限止也

測曰

經六衢商旅事也

商旅之人以遠遊為榮也

次七裝無讎利征咎

七為失志

而在裝家故利征也升則傷毋退則畏水故咎無與兩處故無離也測曰裝無讎禍且至

也

行而遇咎故禍至也次八季仲播軌泣于之道用送厥往

八木也車

之所用故為軌七火九金恐見焚克故言播也泣憂也
七以上稱季八在其中故言季仲車播其軌於季仲憂

也

測曰季仲播軌送其死也

送水就金死之原也

上九裝于昏

昏日

入也九在裝家而為之終終竟於事
從一至九若日之入故以昏諭也

測曰裝于昏尚可

避也

昏忘之事也

䷋

二方一州二部二家

衆

地玄陽家五土中中象師卦

陽氣信高懷齊萬物宣

明嫗大衆多

行屬於土謂之衆者謂是時陽氣偏於六位純網思齊萬物宣明開大族類衆多故

謂之衆衆之初一日入畢宿十五度

初一冥兵始火入耳農輟馬穀尸將

班於田

輟止也班布也尸主也火以諭急兵衆之世故農止馬穀主布田畝以相嫗也

測曰冥

兵之始始則不臧也

衆兵之世故不善也

次二兵無刃師無陳麟

或賓之溫

二為戈在軍衆之家而畏于水故言無刃而不陳也麟者仁獸有角不觸故以賓諭溫溫

顏而己也

測曰兵無刃德服無方也

德之所服無常方也

次三軍或累

車丈人摧桴內蹈之瑕

軍衆之家故稱累車三無家號故言丈人也摧趣也瑕過也桴

子弟也軍事尚疾子弟相趣不責以禮故言內瑕也

測曰軍或累車廟戰內傷也

廟勝而退故心傷也

次四虎虓振旅豹勝其祕否

四西方也故稱虎虓怒聲也陰

稱之水者故稱豹祕閉也騰而見閉故振旅也振旅或怒貌也

測曰虎虓振旅如鷹之

揚也

四稱公侯在師之中而如鷹揚有似太公之於周武也

次五躔戰啗啗若熊

若螭

五為天子聚衆之世交戰中原故皆皆也軍事勇故稱熊螭也

測曰踰戰皆皆恃

力作王也

武威之家以力王於世也

次六大兵雷霆震其耳維用詘

腹

六為大水易曰地中有水師故六為大兵也六亦為耳兵大故雷震也耳以明聽軍以密戒口與心計故

腹屈

測曰大兵雷霆威震無疆也

雷霆之震故無疆限也

次七旌

旗絺羅干戈蛾蛾師孕言之哭且瞋

師盲者也孕重身也弔生曰啗竊視

稱瞋七為目為六所見故盲也師衆之事干戈為務盲孕相啗故哭且瞋

測曰旌旗絺羅大

恨民也

旌旗絺羅故大恨也

次八兵哀哀見其病不見輿尸

哀哀瘦瘠

之貌也兵病於外衆之所見言不見輿尸者兵已勞疾何能克敵故無尸俘以榮軍也

測曰兵哀

哀不血刃也

兵馬勞病故不血刃也

上九斧刃缺其柯折可以止

不可以伐往血

金故稱斧斧柯者征伐之柄也或折或缺非所以御敵也故可以止而欲伐人

則有敗也

測曰刃缺柯折將不足往也

斧缺柯折故不足往也



二方一州二部三家

密

地玄陰家六水中上象比卦

陽氣親天萬物九蘭咸

密無間

行屬於水謂之密者言陽氣布於六位純剛用事萬物完茂九蘭然稚密無有間隙故謂之密

密之初一日入參宿三度初一窺之無間大幽之門

一位在下故稱大幽水性密稚

故無間也雖幽當開故以門諭也

測曰窺之無間密無方也

密稚如水故無方隅

也次二不密不比我心即次

我我民也即就也比比次而上也君不密則失臣火

在水行共成五味猶君臣相須以濟治也若不相密則民就次而去之也測曰不密不比違

厥鄉也

去其常所居也

次三密于親利以作人

三即水子故言密其親也孝經

曰不愛其親而愛他人德之悖也故三密親以利作人之道也

測曰密于親為利臧也

藏善也利善人之道

次四密于腥臊三日不覺散

散效也三終也四為金在水之

行子在其母故密也三欲親之懼見克害故言腥臊也言相克害故終日不效也

測曰密于腥

臊小惡通也

更相覺克故通惡也

次五密密不罇嬪于天

五處密家而在

中央上下密附無有罇故可以嬪於天矣

測曰密密不罇並天功也

並匹也功

事也作天之合嬪妃於上故並天功也

次六大惡之比或益之恤

恤憂也六為大

水水克於大夫人為惡故曰大惡也近比於七故益之憂也

測曰大惡之比匹異同

也

水與火異而或為妃春秋傳曰水火妃故匹異同也

次七密有口小鰓大君在

無後

君子之化密如清風火性炎上姦飛流布口語之故誰而止之鰓難也大君為六也子王於五故六

為大君也大君居之能制口訟雖有小難無有後言七為口語六水七火水滅於火故止口語也

測曰

密口小鰓賴君逢也

賴於大君

次八琢齒依齟三歲無

君

三終也陽成於三故為終也密比之家脣齒相附脣亡齒寒故依齟齟晒也八木九金金克於木下不密

上猶民不依君故終歲無君也

測曰琢齒依齟君自拔也

自拔出於惡也

上九

密禍之比先下後得其死

九極反下火行當見故言密禍君先下民民忘其死故後

得其死力也

測曰密禍之比終不可奪也

死義盡忠志不可割奪也

三

二方一州三部一家親

地玄陽家七火上下亦象比卦

陽方仁愛全真敦篤物

咸親睦

行屬於火謂之親者立夏節終於此首之次六小滿氣起於此首次七斗指巳中呂用事陰氣

已消陽道得專全真敦厚萬物親睦故謂之親親之初一日入參宿七度

初一親非其膚其

志齟齬

水之於火氣志交通然相克害不可共器隔以釜鼎故言非其膚非其肌膚之愛也齟齬相惡

也力同性異行數相克故相惡也

測曰親非其膚中心閑也

雖性通交宜分限也

閑限

次二孚其肉其志資戚

孚信也肉骨肉也資用也二為平人未仕於世志在

親戚骨肉而已也

測曰孚其肉人莫聞也

志用親戚故人無聞知也

次三螟

蛉不屬螺贏取之不迂侮

三火之母也當相親愛行母
子之恩反若螟蛉之於桑蟲

本非親屬義不御侮故
言不迂館也迂御也

測曰螟蛉不屬失其體也

以親
為疎

失其本
體也

次四賓親于禮飲食几几

几几偕也四為賓以
木為主親親之義必

以禮合故有飲食之道也金克於木而以為主者此火
行也木火父母是家之長故為主也禮會之出以疎為
親況自資奉以
身為賓者也

測曰賓親于禮賓主偕也

賓之與主俱
有其禮也

次五厚不厚比人將走

五土也故稱厚土則火于子而
不厚父母況親比者乎故將走

也測曰厚不厚失類無方也

子不厚母
故失類也

次六厚厚君子

秉斗

斗處中央而衆星共之四時為候取正於是六亦
為水雖克其本能以厚德處中居正猶君子執中

直之心無欲於人也

測曰厚厚君子得人無疆也

君子過厚故得人也

次七

高亢其位庫於同事

七為無道之主在六之上高而無民故高亢也有似乎王政遂微弱

勢在諸侯事故庫也

測曰位高事卑德不能也

位高德卑故不能也

次八肺

附乾餽其榦已良君子攸行

削曰肺柿曰附八木也而在親家故言肺附如柿之

附木親在下木猶支息之附大木也支生於幹幹而舉之故言已良親有良幹亦君子之所去而就之也測

曰肺附之行不我材也

乾餽之食非材之致也

上九童親不貞

貞正

也九在火行而為之孫故稱童童親順孫之道以奉於上如其不順為行所克故不正也

測曰童親

不貞還自蓍也

蓍根也從子及孫故根蓍也



二方一州
三部二家

斂地玄陰家八木
陽氣大滿於外微陰小

斂於內

行屬於木謂之斂者言是時純陽據位陰在於下各自儉斂未相消動故謂之斂斂初一日入

井宿初一小斂不貸利用安人正國

古者十一而稅天下之通法也年荒

則薄賦故稱小斂也不相貸勞謂強弱各別也強不凌弱故民安國正矣

測曰小斂不貸其

道當也

安人正國得道之當也

次二墨斂載載窳我匪貞

貞正也二火也

載少也匪不也為陰中之火故小斂也斂積之家取非其正故不貞也

測曰墨斂載載非

所以光也

窳大不正故不足為光榮

次三見小勿用以我扶䟽

三木也三

小八大故小不用到秋八木扶䟽而大故可用也以諭物微可大如木扶䟽之時可材用也

測曰見

小勿用俟我大也

舍小符大故相俟也

次四斂利小刑小進大退

四金也金克於木故小刑也收斂之家小進則相侵以至刑殘不如大退守正而已也

測曰斂利

小刑其正退也

小刑為害故正退也

次五畜槃而衍繭純于田

五

君位畜養也槃器名也衍達也五又為土故有田之名謂自君達民孟夏之節以田桑為務天時之利也家性為斂斂利收功唯田與桑故言純于田也

測曰畜槃繭純不奪時也

先天不違故不

奪時也

次六閔而繇而作大元而小人不戒

六為宗廟水木之母母在

宗廟下之所天世之政也水起於一當漸以進而便作大故宜戒也

測曰閔繇之戒不識

微也

小人不戒故不識別也

次七夫牽于車妻為剥茶利于王姑

不利公家病

火焚于木故為剥茶陽稱夫夫引車於外妻剥茶於內此王姑之利也貨利於私門

故公家病也

測曰牽牛剥茶斂之資也

斂入私門王姑之資財也

次八大

斂大巔

此本木行今八木也而在斂世八月之時枝枚扶疎葉落歸本故大斂也斂過十一民財匱訖

故大巔也

測曰大斂之巔所斂非也

過於十一故非也

上九斂于時

利圉極蓄

金在木行克利於八故斂于時也畜積之家必有儲委故利圉災也

測曰斂于

時奚可幾也

幾近也重斂之世不可近習

䷌

二方一州三部三家彊地玄陽家九金

陽氣統剛乾乾萬物莫

不彊梁

行屬於金謂之彊者謂是時陽氣一統而剛乾在上萬物彊盛謂之彊梁者彊助也彊之初一

日入井宿七度**初一**彊中否貞無攸用

攸所也水盆子也子母之道相扶為彊故曰彊

中不用文德故否正守其性故貞

測曰彊中否貞不可

與謀也

彊梁之人不可與謀之於世事也

次二鳳鳥于飛修其羽君子

于辰終莫之圉

二為朱鳥鳥而彊大故謂之鳳鳳之高飛必修其羽猶君子將仕必修其學也

固止也修身正行文學優備而會于辰以終天祿無能止也

測曰鳳鳥于飛君子得

時也

仕之時也

次三柱不中梁不隆大厦微

三稱柱厦屋也屋之須柱梁猶

治之須宰相也柱不固故屋微宰相不賢則國危也

測曰柱不中不能正基也

所任

非人故基墮也

次四爰聰爰明左右樞樞

四在火行行數相扶故稱聰明也樞樞威

也四見扶進自強
測曰爰聰爰明庶士方來也
為臣聰

士來
次五君子彊梁以德小人彊梁以力
五君位也故稱君子家性

為彊故以德也
小人處之必以
測曰小人彊梁得位益

尤也
小人得之益其過也
次六克我彊梁于天無彊
我謂六也六為金子故相

保持頗能彊梁為土所克我也
見克思過故受天福無彊界也
測曰克我彊梁大美無

基也
不善則改故無基也
次七金剛肉柔血流于田
金以諭刑肉以諭人也行

屬於金今火鑠之行世相克若人相刑也
血以諭順柔以諭陰陽火之位處六之上亦為田故流于田也
測

曰金剛肉柔法太傷也
火克金行故太傷也
次八彊其哀勉其弱

八木也為金所克故衰也家性為彊故彊於
衰之中而自勉過但當小弱故曰勉弱也
測曰彊其

衰勉自彊也

自彊於興衰也

上九太山拔梁柱折其人顛且蹶

九為上山故稱太也梁柱皆折輔佐微也君子之
道以儒得民家性為彊而輔佐不固故顛蹶也

測曰

山拔梁折終以猛也

九為金故剛猛也終以彊猛致於傾亡也

䷆

二方二州一部一家 睪

地立陽家一水下亦象乾卦

陽氣初睪清明物咸重

光保厥昭陽

行屬於水謂之睪者言是時陽純初睪清明其光萬物昭著保安於陽純睪其道故

謂之睪睪之初一日入井宿十一度

初一睪于內清無穢

此水行也一亦為水而家性純

睪二水重清故無穢也在初為內也

測曰睪于內清無穢也

重清居之故無穢也 次

二冥駁冒昧眊于中

眊慙也駁不純也水上之火故不純也家性純眊而二冥冒不純其

德在於下中故慙也

測曰冥駁冒昧中自慙也

慙隱也慙也中故隱也

次三

目上于天耳下于淵恭

目為二也耳為一也火性炎上故曰上天也三為進人在純眊

之世恭敬時宣耳目所耀聰明其事故上下偏也

測曰目上耳下聰察極也

上下

耳目故察也

次四小人慕眊失祿貞

四者金水之母也母子之恩故相慕也言失祿

者家性為眊而不純密內相親慕故失祿也雖失而正故貞也

測曰小人慕眊道不得

也

失祿不得也

次五眊于幽黃元貞無方

五為君位處中為黃黃中通理君之

美也居水之行土克於水故幽黃也中央之位純眊其德無施不可故無常方也

測曰眊于幽

黃正地則也

地色黃故乃正其法也

次六大睽承愆易

六陰也在水之行二

水并合故稱大五克於六故承愆也愆過之先易以成非故言易也

測曰大睽承愆小人

不克也

有愆而改非小人之所能也

次七睽辰愆君子補愆

七火也於行有

愆故言辰愆純睽之性有過既改猶君子之行彌縫其闕故言補也

測曰睽辰愆善補過

也

君之有過則臣善補也

次八睽惡無善

八為禍中而純於惡故言無善也

測曰

睽惡無善終不可佐也

無善之人何可佐也

上九睽終永初貞

九金

也水之母母為睽終長於其正純睽之道故貞也

測曰睽終之貞誠可嘉也

永守

正道故

可嘉也



二方二州一部二家

盛

地玄陰家二大卦下中象大有卦

陽氣隆盛充塞物冥然

盡滿厥意

行屬於火謂之盛者小滿氣終於此首之初一芒種氣起於此首之次二謂是時陽氣隆

盛充滿於天地之間故萬物孕妊冥冥然滿其意故謂之盛盛之初一日入井宿十六度

初一盛不

墨失冥德

墨謀也冥玄也家性為盛陰家之陽故不墨也盛而不墨故失冥玄之德也

測曰

盛不墨中不自克也

不自克損故失德也

次二作不恃克大有

以火

居火炎炎熾盛而不恃須時而行故可以大有萬物也

測曰作不恃稱玄德也

有大

萬物故得玄妙也

次三懷利滿勾不利于公

木為火母母而懷利明為私事故不利

利于公也測曰懷利滿勾營私門也

不利于公故利私門也

次四小盛

臣臣大人之門

四為公侯位次於五故小威也當上臣五恐見克害重自思慮故曰臣臣王公

大人四亦為門故言大人之門也

測曰小威臣臣事仁賢也

重臣奉五故賢之也

次五何福滿肩提禍揮揮

五為天子而在威世世威道治君德至明故何福也提持

也揮揮然敬也何福持禍而自儆戒無所失也

測曰何福提禍小人之道也

在五

陰首福禍混合故曰小人之道也

次六天錫之光大開之疆于謙有慶

六為宗廟故天錫也奉之以禮而在威世故大開其疆無限極也謙以致福故有慶矣

測曰天錫

之光謙大有也

謙尊而光故大有也

次七乘火寒泉至

火至熱也泉至寒也

以火居火故曰乘火也陽極則陰生火死則水生水火相克故寒泉至也

測曰乘火泉至禍

不遠也

水克於火故禍迫也

次八挹于滿熒幾後之傾

傾危也幾近也木在

火行陰家所長子威母勞恐見熒燎故先自挹損以為後戒不戒之家後近危也

測曰挹于滿

幾危也

木火之家近於危也

上九極盛不救禍降自天

金者乾故為天天位

之終故為極在盛之家故極盛也八見七盛而知自損以為後戒九以金性而盛終必消鑠故禍降也

測

曰極盛不救天道反也

盛極則衰道反覆也

䷊

二方二州一部三家

居

地玄陽家三木下上象家人卦

陽方踰膚赫赫為物城

郭物咸得度

行屬於木謂之居者言是時陽氣踰萬物之肌膚赫然盛大包圍關郭若城郭也故

萬物之生皆得其數度而安其居故謂之居居之初一日入井宿二十一度

初一匪譽匪咎

克守厥家

一為下人居首之始水性玄墨故不求聲譽以繼咎悔故能保家居正而已也

測曰

匪譽匪咎其道常也

無咎無譽得道之常也

次二家無壺婦承之

姑或洗之塗

二木子也而陰者非女則婦壺禮也居家無禮婦尚姑事上僭丈夫猶見洗濯而以

塗也測曰家無壺無以相承也

無禮之家婦不承順於姑也

次三長幼

序序子克父

三為進人家道以禮長幼有序以木居木故曰序序也克能也子能興父事有似揚

烏與太玄也

測曰子克父乃能有興也

子能事父故有所興致也

次四見

豕在堂狗繫之迹

四金也成為狗六為豕亦為宗廟故見豕在堂也迹迹也狗繫豕迹居家

也之道測曰見豕在堂其體不慶也

慶者不以畜牲為喜也

次五軸

艸調安利富貞

五為天位居中制遠前後相承故以艸
喻也土在木行為木之財故利富之

也正測曰舳艸安和順其疆也

調安百姓
在境界也

次六外其井竈

三歲見背

三終也六為水故稱井井竈以喻祿食也宗
廟之道酒食為先故今而見外故言三歲背

也測曰外其井竈三歲不享也

井竈見外故
不享祭也

次七老夫

擐車少女提壺利考家

七木之子也以八為父五為車
八引於五故曰擐車也考成也

壺禮也七為仲女八位過老而得仲敬故
謂之少有禮之女以成事故利考家也

測曰老父擐

車其體乃莊也

利於少女故自
嚴莊以戒慎也

次八反其几雙其牝几

家不吉

八為老父故用几今而反之非所以養老
也牝牡也吉美也今而雙等故家不美也

測曰

反几雙牝家用不臧也

老而不養故不善也

上九株生藥其種不

絕

金生木行木為金財道終數訖有財不用故木復生也窮上反下家道以興故種不絕也

測曰株

生藥其類乃長也

株而生藥故長也

三

二方二州二部一家

法

地玄陰家四金中下象井卦

陽高縣厥法物仰其墨

莫不被則

行屬於金謂之法者言是時陽氣上在九天之上洞下重淵之內陰當上而微伏陽亦升

而造在天之上故言高懸物由之而生故仰其墨墨謂繩墨也動以法則故謂之法法之初一日入井宿二十

五初一造法不法

一則金子子母之道禮法為先故言造法法者以法不法也水以平施純

陽積形法不可踰也

測曰造法不法不足用也

化之以禮不

次二

摹法以中克

摹索取也克勝也索法以中故可勝任也

測曰摹法以中衆之

所共也

縣法於上衆人之所共奉而行也

次三準繩不甫亡其規矩

矩

方物規以正園甫始也準繩失始故法度亡也

測曰準繩不甫其用與也

不奉於法

有差也次四準繩規矩莫違我施

立準在上下不敢違規矩法度君之所施臣而

奉之故言莫違也

測曰準繩規矩由身行也

善事不違於上也

次五繙

陸陸餅寘腹井潢洋終不得食

五為天位施法於中五土六水故以井諭繙以

行餅陸寘滿也餅腹滿溢故潢洋也

測曰餅寘腹非學

家性為法餅雖滿溢不可得妄食也

方也次六于紀于綱示以貞光

臣正於下

君明於上君臣道正故網紀正也

測曰于紀于網大統明也

網紀一張統御明也

次七密網離于淵不利于鱗

七為網六為淵鱗物所害猶苛法于世百

姓之疾也

測曰密網離淵苛法張也

密於時網且張於上也

次八正彼

有辜格我無邪

格至也我我百姓也彼謂九也九克於八雖在法家位次當進無邪曲也

測

曰正彼有辜陂而至也

陂除以正至于九也

上九井無幹水直衍

匪谿匪谷終于愆

衍達也愆過也九金也金生於水井之象也幹以檢扞於井泄取有時八

者木也當謂井幹金克于木故無幹無幹故直衍也無幹之井故以谿谷喻也

測曰井無幹法

妄恣也

妄亂也無幹之井妄自恣也

三三二方二州應地玄陽家五土陽氣極于上陰信萌乎

下上下上相應

行屬於土謂之應者芒種節終於此首次五斗指午建寅用

事陽極陰生上下相應故謂之應

初一六幹羅如五枝

離如

羅布也如辭也離附麗也一為水幹以諭君枝以諭臣水出于泉而流百川布施於上枝離而著之

如臣之附君如水之趨川也

測曰幹羅如附離君也

下之奉上相附之道次二

上歷施之下律和之非則否

否不通也二為離離為文明故以歷律言之也家性

為應天正之中故上下相應也歷以紀歲律以和聲施於百姓奉以成務其非法者則不通也測曰上

施下和匪其肯也

律歷所施雖或非肯皆從化也

次三一從一橫天網

畏畏

畏畏廣大也南北為經東西為緯故從橫也縣終天地羅網廣大故畏畏也

測曰一從

一橫經緯陳也

天地為文揚於王庭布不於天下也

次四援我罟罟絀羅

于野至

我我萬民也四為公侯以正義治百姓而嚴刑法百姓不犯之也東山禽獸絀網故言於野至

也 測曰援我罟罟不能以仁也

施網為害故不仁也

次五龍翰于

天貞栗其鱗

五為天位故以龍諭貞正也栗危也翰高也處尊之位正其道實以應天時居上戒

危故貞栗也鱗甲正定無犯非義故翰於天也

測曰龍翰之栗極懼墜也

過五無民

故懼 次六熾承于天水萌于地

熾盛也水陰也水克於上故盛也水氣升上陰

動地下陰盛陽衰故陰萌生地故言于地也

測曰承天萌地陽始退也

陰當上升

故陽次七日彊其哀應蕃貞

應當也蕃盛也七為失志過盛則哀年高失志而日

自彊政哀委賢故曰蕃正也

測曰日彊其哀惡敗類也

惡以不賢敗其類也

次

八極陽徵陰不移日而應

極陽則陰極陰則陽如相名也不移日者陰陽之道陽微

則陰極陰陽有來往不復移日須有名者而應之也

測曰極陽徵陰應其發也

名不

而至故應其時而自發矣

上九元離之極君子應以大稷

稷側也九為陽極元

大也九在應家而為之終其道大極傾側自危不安其位金剛陽訖不能治陰陰當上升委祿任賢有似堯老

咨爾舜也測曰元離之極不可遏止也

陰當上升乃不可止也

太玄經卷三

太玄經卷四

漢楊雄撰

晉范望注

從迎至昆第四



二方二州
二部三家
迎地玄陰家六水

陰氣成形乎下物咸遯

而迎之

行屬於水謂之迎者言是時陰在物初六始卦用事日以消陽形成於三陰息物衰向而迎之

故謂之迎迎之初一日八鬼宿一度

初一迎他匪應無貞有邪

五為君他為二也二者火

也一為水水在水行近欲迎二火水相克故不應也五位不正故曰無貞也

測曰迎他匪應

非所與并也

水火相害不可相并也

次二蛟潛于淵陵卵化之

為二

甲蛟龍類也二在水下故曰蛟潛蛟潛於水產卵高陵下復於淵家性為迎氣應相感然後剖化猶君臣父子

以道相感精迎誠致不言而動也

人或陰言百姓和之

人為五也陰首所抑故稱陰也

位尊令行故百姓和之有似大舜幽耕於野言加二妃天民乃至也

測曰蛟潛之化中精

誠也

中誠所感化大行也

次三精微往來妖先靈覺

三木也水之所生精誠微

感不言而至子母之恩靈神也神之所感妙物為言事之妖祥神所先覺信以禳災此之謂也

測曰精

微往來妖咎徵也

咎徵雖見信操之也

次四裳有衣襦男子目珠

婦人嚏鉤貞

四金也水之母母子相養猶衣裳相扶也水中之金故為珠金而陰曲鉤之象也四

為少女金剛稱男男女女之道不有私謀今而相目有珠
鈎之資非所以遠嫌也衣裳有制珠鈎有度雖不相交

錯不失其
正故貞也

測曰裳有衣襦陰感陽也

貞以珠鈎相感之謂也

次五

黃乘否貞

五天位也在中為黃乘乘四也六陰在上測四親乘之金不合化故否以陽乘陰貞也

曰黃乘否貞不可與朋也

君道尊貴不可與為朋友之交也

次六玄黃

相迎其意感感

六為宗廟天玄地黃天地相迎則風雨時調君臣相迎則政教以度天地相感

故重感也

測曰玄黃相迎以類應也

玄黃五色推類求也

次七遠之眎

近之梧迎父迦迤

迦迤迤迤解脫之貌也詩云見此迤迤此之謂也七為六父六水七火火

近於水水則焦遠於水火則炎熾熾怒故有梧擊之言而在迦家故相奉迎解脫之意以相化導如父子也

測曰遠眎近倍失父類也

類法也水性曲直而七炎上故失其法則也

次八

見血入門拊迎中庭

八為門血以諭憂拊得血則憂得賢則解家性為迎故迎賢者近於

中庭以解憂也

測曰見血入門以賢自衛也

恐九克之故以七自衛助也

上

九濕迎牀足罩于牆屋

九金也在水之行故濕也家性為迎在內稱牀親迎內出故稱

足也罩覆也牆屋諭尊以卑覆尊以貴下賤有似初婚夫下婦也

測曰濕迎牀足願在

內也

親迎所願當內出也

三

二方二州三部一家遇

地玄陽家七火上下象始卦

陰氣始來陽氣始往往

來相逢

行屬於火謂之遇者謂此時微陰初起與陽相逢以貴下賤有似初婚夫下婦也故謂之遇遇

之初一日入
柳宿一度

初一幽遇神及師夢貞

一稱幽幽思也不見稱神幽而不見

故遇神也師衆也憂思神道若夢見之
故及夢師也貞正也夢不達道故貞也

測曰幽遇神思

得理也

雖夢猶正故得其理也

次二衝衝兒遇不受定之諭

二火也二

在其上為水作父然水克火火不制水猶衝衝之
兒不受父訓故言不之諭也不之諭不可教諭也

測曰

衝衝兒遇不肖子也

不可教訓不肖子也

次三不往來不求得士

女之貞

三為進人進德修業在於過世故不往來無求於時亦木之往處深則大而上度之以為器物

猶君夫之求貞良以為臣妾臣妾
無求君夫之義故士女之貞也

測曰不往不求士女

則也

不二其德是其法則也

次四個僞人遇雨厲

四金也為火所克故四個

也兌為巫在於火世火盛金衰故遇雨而個個非誠心也測曰兌人遇雨還自賊也

雨則濡濕賊於巫者也

次五田遇禽人莫之禁

五為土在火之行火行土上田之象

也田而遇禽何禁之有猶士遇知己必得天祿無禁止也

測曰田遇禽誠可勉也

自可

勸勉不倦也

次六俾蛛罔罔遇螽利雖大不得從

俾使也六為蟄故稱

蛛蛛蜘蛛也使蜘蛛設罔而得於螽斯螽蟄也所以不能制雖以為利不得從而取也

測曰蛛之

罔害不遠也

得螽失取雖失其利害不遠也

次七振其角君父遇辱匪

正命

八為七父七者火而遇於木炎上上火父母之道匪命不前火性炎上上迫其木焚燎枝故遇辱

也角以害人既害且危故匪正命也

測曰振其角直道行也

無有正命故直其利害不

速次八兩兕闕一角亡不勝喪

八為龍九為虎龍虎者獸之貴者也

當養其牙角而已今而合闕故稱兕也金克於木故龍亡角終見克害故不勝而喪也

測曰兩兕

闕亡角喪也

爭非其道故喪亡也

上九觝其角遇下毀足

九金也克害於

八故觝其角也家性為遇足謂八也在下稱足不勝而喪故毀足也

測曰觝其角何可當

也

角折足毀故不可當也

䷛

二方二州三部二家 竈

地玄陰家八木上中象鼎卦

陰雖沃而灑之陽猶執

而穌之

行屬於木謂之竈者夏至氣終此首次七小暑節起於此首次八陰陽之氣更相沃灑化銍若

竈故謂之竈竈初一日入柳宿六度

初一竈無實乞于鄰

陽為實陰為虛一水也水是竈

中之用陽當消退故曰無實家性為竈以
烹飪生物共於菜蔬今無實故乞於鄰也
測曰竈無實

有虛名也

故無實於事
故有虛名

次二黃鼎介其中裔不飲不食乎

無害

二火色黃白介大也裔餘也乎信也木火會合烹
飪腥物而不於竈故言鼎也宰和得節美味逾時

而不敗饗以薦至尊故無害
也福施於下故中有餘也

測曰黃鼎介中廉貞也

不敢

饗食故
曰廉也

次三竈無薪黃金瀕

三為薪言無者有材不用
也竈不用薪猶國不用祿

以養賢也薪而不用金焉
虛廢故生土穢在瀕渚也

測曰竈無薪有不用也

言有
賢不

用也
次四鬲實之食得其勞力

陰稱小亦為釜土上之釜
釜而小者知為鬲也四為

公侯在竈之世方進鼎足故先在鬲和
齊五味實不失勞故言得其勞力也

測曰鬲實之食

時我奉也

我為五味以奉祿秩賢臣也

次五鼎大可觴不齊不莊

五為

天子故稱大鼎古者天子世孝天瑞之鼎諸侯世孝天子錡鼎以錫之五據尊位得奉鼎觴賜其國則宜齊莊以奉天祿今不測曰鼎大可觴饗無意也

受祿不敬故無意也

次

六五味醑調如美如大人之饗

六為宗廟又為大水家性為寔志則為用故有

釜鼎調齊之象五味得當則孝子所以事宗廟測曰味醑之饗宰輔事也

祿由君出

以宴羣臣宰輔之善事也

次七脂牛正肪不濯釜而烹則歐歔之疾

至七為火所以成熟牲體今以脂肪之肉必當漂濯釜鼎以煮漂之今而不為故生疾也七為暇歐歔吐逆

之聲也不濯不清故致疾也

測曰脂牛歐歔不絜志也

器不洗濯不絜清也

次

八食其委雖噉不毀

噉不正之聲也食人之祿必愛人之難道合則輔之不合則去不宜

見其不正而不爭也

測曰食其委蒙厥德也

爭以正君故蒙其福也

上九竈

滅其火唯家之禍

九金也九生水家性為竈竈須火者而中有水故自滅其火也火而自滅

妖惟不祥家之禍也國亦須賢者賢而自滅亦國之禍也滅賢謂若紂殺比干之類也

測曰竈滅

其火國之賊也

言賊賢也



二方二州三部三家

大

地玄陽家九金上上象豐卦

陰虛其內陽逢其外物

與盤蓋

行屬於金謂之大者謂是時陽氣在上將虛鬱而退陰氣在內逢迎而上萬物敷布盤桓茂盛

若車之蓋故謂之大大初一日入柳宿十度

初一淵潢洋包無方冥

一水也故稱淵此金

世金生水子母共位故潢洋也深大之淵
衆物所歸包裹而藏之無有方外故冥也

測曰淵潢洋

資裹無方也

所包者廣故無方也

次二大其慮躬自鑪

二為平人不隱不仕

故大其慮也鑪以治邪躬身也自治其身以待升舉今
而陽消陰息惟身未升階故大守思慮修身而已陰為
思陰當
侵陽也
測曰大其慮為思所傷也
故為思所傷也

次三大不大

利以成大

三木也而在金行恐見消克雖在大家不敢自矜常自謙約故成其大也

測曰大

不大以小作基也

謙以致光故以小作基也

次四大其門郊不得其

刀鳴虛

金性剛強而在大家故自夸張大其門郊者也刀為金利徒自夸大不守以謙故不得其利也

有其虛名故稱鳴
不守以實故虛也

測曰大其門郊實去名來也

無實有名失道

義次五包荒以中克

五君位也包有四荒故曰包荒周禮有荒服朝見無常數天位之所

臨亦由是也克能也包有四荒故能治天下之民事也

測曰包荒以中督九夷也

謂四荒之外也次六大失小多失少

六水也水之所失在於隙穴事從細生禍由微起者

也測曰大失小禍由微也

從微細而起之也

次七大奢适自削

以觚或益之鋪

觚法也鋪賜也此本金行七者火也火盛金衰故不宜自大奢适於法能自削

小垂於法度故有益之賜也

測曰奢适自削能自非也

能自削小自非責也

次

八豐牆峭趾三歲不築崩

豐大也峭峻也趾足也謂基也三終也牆大基峻若不終

歲加之版築故有崩墜之憂猶君子之道不隆其本未必危也

測曰豐牆之峭崩不遲

也

基趾不固故速崩也

上九大終以蔑否出天外

家性為大終於自大益以否也

荒服之外天恩不加故為天外也雖性自大終守以小故不出也

測曰大終以蔑小為

大質也

積小為大之本質也

三

二方三州一部一家

廓

地玄陽家一水陰氣應而愈之陽猶恢

而廓之

行屬於水謂之廓者應猶協也愈猶合也言是時陰氣和協而合同當上而合同陽尚恢廓未

有裒損之氣故謂之廓也應愈二字皆心者故初一廓宜以和協言之也廓之初一日入柳宿十五度

之恢之不正其基

一在水行二水朋合狀若江海故恢廓也廓大之家其本不同水性不動

故不正也測曰廓之恢之始基傾也

基而不正故危也

次二金榦玉

楨廓于城

金玉者皆其美質也火不好水雖有美質恐見克害故廓于城以自固守也

測曰

金榦玉楨蕃輔正也

以城自衛猶以賢自輔也

次三廓無子室石婦

木生於水為四所克雖自廓大不能生長故無子也婦而無子陰不合也故謂之石也

測曰廓無

子焉得後生也

婦比之石故無後生也

次四恢其門戶以御寇虜

四為門二為虜家性為廓每輒恢大恐二克之故大測其門戶以義為固四為兵甲門戶有之故用御衛也

曰恢其門戶大經營也

廣恢門戶自經營也

次五天門大開恢堂

之階或生之差

五為天子故稱天門見在其位故曰恢堂也差過差也登階上堂據有四方非

聖不立故過差也行或可生也

測曰天門大開德不能滿堂也

恢堂至高唯德

能居也

次六維豐維崇百辟馮馮伊德攸興

六為宗廟故為豐也神靈高遠

故維崇也辟君也馮依也伊猶是也宗廟維敬以禮奉神故百辟卿士莫不依歸是德之所興也

測曰

維豐維崇茲太平也

此太平之道也

次七外大挖其中失君子

至野小人入室

水克於火火盛水消故外挖挖也君子之道唯善是務今在廓家而失中道故

隱野也君子不居故小人進也

測曰外大挖中無人也

無君子之人也

次八廓

其外虛其內利鼓鉦

震為雷故稱鼓鼓之形象內虛外廓鉦以為節故利也

測曰

廓外虛內乃能有聞也

鼓以為節聞遠之謂也

上九極廓于高庸

三歲無童

高而無民極上則類三者終也上處高庸故終歲無童僕也

測曰極廓高

庸終無所臣也

無僕故無臣也

䷆

二方三州一部二家

文

地玄陰家二火下中象渙卦

陰斂其質陽散其文

質班班萬物粲然

行屬於火謂之文者言是時陰氣斂其形質陽氣發而散之華實彪炳真

有文章故謂之文文之初一日入星宿四度

初一祿禋何縵玉貞

一為下人隱於九品

之中下而懷文章尚於素朴人莫知之自守如玉故曰玉貞也

測曰祿禋何縵文在內

也

衣繡尚縵故文在內也

次二文蔚質否

二為平人不仕不隱故文蔚也文蔚守質不樂

進道故否也

測曰文蔚質否不能俱睟也

文質不同故不純睟也

次三

大文彌樸乎似不足

木故稱樸樸而質素故似不文也言似者非不足故稱大文也測

曰大文彌樸質有餘也

文如不足故有餘質也

次四裴如邠如虎

豹文如匪天之享否

家性為文四西方也故稱虎豹虎豹獸類也虎豹之獸以其文貴斐

邠者文威貌也雖其文威猶不及天文以五行也

測曰斐邠之否奚足譽也

足不

以比天文也

次五炳如彪如尚文昭如車服庸如

五處天位車服以庸

據位正炳如也順其本性彪炳有文為國之光故昭如也

測曰彪如在上天文炳也

文章與然彪炳可法也

次六鴻文無范恣于川

鴻大也范法也六為宗廟宗廟之中

禮以輔成在文之世故曰文文章與然故無法也

測曰鴻文無范恣意往也

如川

之流從所授也

次七雉之不祿而雞蓋穀

七為雉雉有文章而遠在野雞而穀食退

而錄綬連其家性也

測曰雉之不祿難幽養也

質勝文則野故養難也

次八

彫載穀布亡于時文則亂

八木也穀善也木見彫刻為載麗之事雖見小善傷于農

故布政亡也苟尚文飾以階於亂故言亂也

測曰彫載之文徒費日也

彫文刻鏤

傷農事也

上九極文密密易以黼黻

九在文家而為之終終極文飾以妨於農事故

易以黼黻黼黻祭祀之服而致美乎黼冕此之謂也

測曰極文易當以質也

祭服雖文

孝子質也



二方三州禮

地玄陽家三木

陰在下而陽在上上下

正體物與有禮

行屬於木謂之禮者小暑節終於此首之次二大暑氣起於此首之次三斗指

未林鍾用事陽在上將退陰在下將進進以諭賓退以為主主下以賓賓主之義獻酬以禮故謂之禮禮之初

一日入張

宿二度 初一履于跂後其祖禰

一為下人而在木行在下稱足陽道將退

故稱履足履大木故跂也二為禰三

為祖一最在後故曰後其祖禰也 測曰履于跂退其

親也 不及其祖

故親退也

次二目穆穆足肅肅乃貫以棘

二為木

二畏于

水故穆穆也肅肅敬也家禮揖讓有度故足

肅肅也棘赤心也敬由心出故以棘諭也 測曰穆穆

肅肅敬出心也

肅誠之意貫於中誠也

次三畫象成形乎無成

為三

木木為貌家性為禮禮合必以貌故以形象言之也乎信也畫以成形故信無成也

測曰畫象成

形非其真也

畫以為形故非其真也

次四孔鴈之儀利用登于階

四為毛類故稱孔鴈孔鴈為鳥之知禮者取二鳥為諭者言其行則有儀飛則有次動不失法故利登于階也

測曰孔鴈之儀可法則也

容止有度故可法則也

次五懷其違折

其匕過喪錫九矢

違不正也匕所以撓鼎五為天位行反克之行令不正於禮不備不列諸

侯九錫而已也

測曰懷違折匕貶天祿也

貶損天祿列於諸侯也

次六魚

鱗差之乃矢施之帝用登于天

矢陳也六為宗廟宗廟之事動有禮儀差次如

鱗也不相陵越陳施以度不違於道故帝用登于天施祿及下也

測曰魚鱗差之貴賤

位也

差次若鱗故貴賤各得其位也

次七出禮不畏入畏

七為失志志失行張多不

以法家性為禮違出其表未有所畏故曰不畏出禮入刑刑以正邪故曰入畏也

測曰出禮不

畏人所棄也

人之所棄刑之所取也

次八冠戚趾履全履

八為冠一為履

上下言之上下尊卑各有其儀戚趾以諭敗也冠雖敗宜加之首履雖全宜踐之足八為疾瘥之主有君之尊

故在測曰戚趾明不可上也

雖微而尊不可陵也

上九戴無首焉

用此九

九最在上故曰無首為極當顛下求於四四為人臣不能尊五進退不立故曰馬用此九也

測曰無首之戴焉所往也

在上恐顛就四失臣故無所往也

三

二方三州一部一家

逃

地玄陰家四金中下象逃卦

陰氣章彊陽氣潛退萬

物將亡

行屬於金謂之逃者吉是時陽氣當退而未訖陰氣當上而未騰猶以陽為難故章彊彊梁傷

敗之貌也陰陽之氣更相避逃故謂之逃逃之初一日入張宿六度

初一逃水之夷滅其

創迹

夷平也一為水水之平施小危則動物逃於水水合於物不可迹求故曰滅其迹也

測曰逃

水之夷迹不創也

水之滅迹無創痕也

次二心惕惕足金鳥不志

溝壑

二為心亦為平人而家性為逃居金之行反克其本故其執心常惕懼足金於鳥無隱逸之志故不

志溝壑也

測曰心惕惕義不將也

平人不隱不仕故無義不行也

次三競其

股鞭其馬寇望其戶逃利

三震也震為馬競動也望責也四為三寇家性為逃見寇

在前故鞭馬而去之也雖望其戶見而不入逃家之利故言逃利也

測曰競股鞭馬近有

見也

觀望其戶故有見也

次四喬木維攢飛鳥過之或降

上擽稱攢上擽

之木鳥所不集故過之而去君自尊高衆士亦望之而去也

測曰喬木之鳥欲止則

降也

非思所好故從意也

次五見鷩踣于林獼入于淵征

此二物者時之

候也五為天位征行有時是以鳥隼擊而蔚羅張獼祭魚而後漁豺祭獸而後田各須其候君乃征行蒐狩以

時不剝胎卵也

測曰見鷩及獼深居逃凶也

時候未至君處重門之中故逃凶也

次六多田不婁費我腠功

六為宗廟征行須時以奉神靈執食為腠征田多獲歸之

於宗廟賞不失勞故曰腠功也

測曰多田不婁費力忘功也

田不獲牲故費功也

次七見于纍後乃克飛

纍索也克能也火性燥揚故以飛言之七為系繳故為索也見

索在前飛能避之故曰克飛也

測曰見于纍幾不足高也

當見拘索故不足高也

次八頸加于矰維網其繩

八為疾瘵故有加頸繩矰之旨八為禍中網繳也繳加于

頸非可卒除故言維也謂當思維而逃也

測曰頸加維網無自勞也

矰之所加勞不

能去也

上九利逃蹕蹕盜德嬰城

家性為逃九為其終終始逃遁故蹕蹕也道德

者君子之所尚也九能盜之王者所賞故言嬰城道隆德盛必有城郭也

測曰盜德嬰城何

至逃也

何有逃道德也



二方三州唐

地玄陽家五土中中亦象避卦

陰氣茲來陽氣茲往物

且盪盪

行屬于土謂之唐者言是時陰氣日盛陽氣日損萬物損落盪盪然故謂之唐唐之初一日入

張宿十度

初一唐于內勿作厲

在下稱內厲危也唐者盪盪無所拘限內無拘而外

無危也

測曰唐于內無執守也

盪盪之義終不見拘執也

次二唐處冥

利用東征

二為日日尚隱潛故冥也唐者盪盪之貌也火征于地無所隱蔽故唐冥也日之隱蔽必

當東出故利以東征也

測曰唐冥之利利明道也

日之東征者道之明也次

三唐素不貞亡彼瓏玲

瓏玲金玉之聲三為木木者樸素故亡聲也四為金金有聲音

土克於木故不貞也

測曰亡彼瓏玲非爾所也

瓏玲之聲非木所也

次四唐

無適道義之辟

辟君也四為公侯而在唐家盪盪無所適莫不尊奉道德以事其君不違於法

也測曰唐無適惟義予也

無所適莫予有義也

次五奔鹿懷龔得

不訾

鹿以諭賢龔以諭不肖懷來也賢不肖不別賢奔亡不肖者來故言不訾不得不訾毀於賢者也

測曰奔鹿懷龔奚足功也

言不足功治之也

次六唐不獨足代

天班祿

六為宗廟其世盪盪故曰不獨足下所敬奉天神報應以示百姓代天班祿以養人也

測

曰唐不獨足無私容也

代天傳命不容私意也

次七弋彼三飛明

明于征終日不歸亡

七為飛兵兵而飛者矢故弋射也陽稱王七為矢志王而志失畢弋

無度故不歸也

測曰弋彼三飛適無所從也

征行無度何所從也

次八唐

收祿社鬼輟哭或得其沐

輟止也八為木而在土上條輪茂大得土之力猶士遇明

君得其榮祿也言或得其沐者取其絜清也社稷之神所以止哭哭其哀世世治故哭止也

測曰唐

收祿復亡也

先亡後復也

上九明珠彈于飛肉其得不復

明珠

重寶也飛肉輕欲也九為金故稱明珠飛肉禽鳥也珠至重鳥至輕以重求輕故不復也測曰明珠

彈肉費不當也

費貴得賤故得不復也

䷋

二方三州一部三家

常

地玄陰家六水中上象恒卦

陰以知臣陽以知辟君

臣之道萬世不易

行屬於水謂之常者大暑氣終於此首之次五立秋節起於此首之次六

辟君也以陰陽知之故萬世不易道之常初一戴神墨

履靈式以一耦萬終不稷

一在水行晝夜不休潛墨如神故稱神墨也式法也萬多

一少故不可耦稷而合也

測曰戴神墨體一形也

一者道德之形體也

次二內

常微女貞厲

貞正也厲危也二為少陰故稱女言內常微者陰中之火微微不隆故言微也女能

幽微故貞貞女所在常自危懼故厲也

測曰內常微女不正也

陰道待唱不敢自正

許當次三日常其德三歲不食

日日行一度是其常也三為日出故稱日也三

為終常其德則不薄食也

測曰日常其德君道明也

如日不虧故道明也

次四

月不常或失之行

於月有虧盈故不常也四為公侯上臣於五故以月論不常者行有遲疾或

進或退非臣之節故言或失之行行道也不得常道故為變異也

測曰月不常臣失行

也

月之不常為臣失也次五其從其橫天地之常

天從地橫是其常道也五為天

位據上臨下不違陰陽之道先天而弗違各得其所也

測曰其從其橫君臣常也

天從地橫是其常也

次六得七而九懦撓其剛不克常

陽盛於七極於九陽

生於子盛於午至酉而消故極於九陰懦陽剛陰稱撓宗廟之中懦撓為先故言不克常也

測曰得

七而九奔盛乘哀也

委七乘九故不克常也

次七滔滔往來有常

哀如克承貞

滔滔往來貌也七為失志滔滔而行也王之失志故哀如也克能也能承貞者承受

善道不失於義故貞也

測曰滔滔往來以正承非也

六克於七故以六為非也

次八常疾不疾咎成不詰

八為疾疾故常疾也常疾而不以為疾者明其疾至也疾以成

咎害於身體非復可詰問之也故言咎成不詰也

測曰常疾不疾不能自治也

疾以至咎故不能自治也

上九疾其疾巫醫不失

九為巫亦為金金者鍼刺所用鑿之

謂也八有疾而不為疾故咎也九有疾而疾之故巫醫而治之無所失也

測曰疾其疾能自

鑿也

苟能疾惡能自治身巫鑿不違不失其治也



二方三州度地玄陽家七火上下象節卦此合在陰

氣日躁陽氣日舍躁躁舍舍各得其度行屬於火謂之度者言是時陰

氣躁上陽氣舍下重言躁躁舍舍者上下欲速之謂也上下消息各有度數故謂之度度之初一日入翼宿二

度初一中度獨失水平不齊故曰中度一為法度中心不正在大之行反見消滅故獨失也

測曰度獨失不能有成也法度而失故無所成也次二澤不舍冥

中度二為大地為澤澤不舍者水不舍火也測曰澤不

舍乃能有正也中於法度故次三小度差差大賴之階

木在大行母子之道差次以度故曰差差以金測曰小次之必見克害家性為度被克失度故大傾也

度之差大度傾也

事之孰傾危也

次四榦榦利于城

金性剛彊故稱

榦榦榦榦彊則城之利也五為土城之象金則土子于母之道故利于城亦公侯之位國之榦榦也

測曰

榦榦之利利經營也

言臣經營於君事也

次五榦不榦榦于營

五

天位當榦舉萬機以正營壘而為火子始建母業不敢自尊故曰榦榦於事故榦于營也

測曰榦不

榦不能有寧也

寧安也營而孰榦故無安寧也

次六大度檢檢于天

示象垂其范

六為宗廟神靈制法故大度也既檢天下亦檢己及人聖王象之故曰於天示

象也示之以象故垂其范也

測曰大度檢檢垂象貞也

貞正也為天下之正也

次七不度規之鬼即訾之

七為咸陽六為七鬼七當以道規謀天下失志之謨故鬼

也 告之 測曰不度規之明察笑也

為鬼所訾故可笑也

次八石赤不

奪節士之必

陰稱石八東方也猶丹不可奪赤也

艮亦為石石不可奪堅守志如是若節士之必

也 專 測曰石赤不奪可與有要也

執志堅固故可與有要也

上九積善

之貨十年不復

金為利大度之家積利振急貸與不足十終也賴者也倦施者無厭故其終年

不得 復也 測曰積善之貨不得造也

造成也不得造成也



三方三州三部二家

永

地玄陰家八木上中亦象恒卦此合在常首之後今且據舊本不易也

陰

以武取陽以文與道可長久

時陰氣日進陽氣日退兵行屬於木謂之永者言是

陰物也故謂之武春陽生物煥有文章故謂之文文武之道無墜於地永濟於世故謂之永永之初一日入翼

宿六度

初一不替不爽長子之常

五行之道水先王故稱長子替施也爽差也水

以平施一無過差之行故長子之常道也

測曰不替不爽永宗道也

宗尊也常尊道

德之事也

次二內懷替爽永失貞祥

火在木行從其父母可以長大火性炎上三親

據之威則害母故內替差永未自改故失貞祥也

測曰內懷替爽安可久也

內自

克害故不可長久也

次三永其道未得無咎

三為進德之人進德修業未得居官故言

未得也修業不倦雖未得祿其要無咎也

測曰永其道誠可保也

永進其道故可保也

次四子序不序先賓永失主

四承於五故稱子賓謂三也然見克害賓多於四四

據存之故先賓也子序其父敬從於五主謂一也土克於水故永失也

測曰子序不序非

永方也

方猶常也永失其主故非常也

次五三綱得于中極天永厥福

五為君位君上臣下君臣父子夫婦道正故三綱得也三綱得正故為中極極中也必得其中故天長其福也

測曰三綱之永其道長也

三綱之正人道大倫故永福也

次六大永于

福反虛庭八首冥

六為上祿故稱大也上祿之人故永於福也虛庭八冥幽隱求志故也

測曰大永于福福反亡也

不守以約失之故亡其福也

次七老木生

蒔永以纒其所無

七火也八為老木九贊之中三少七為火死復然猶木老復生故居七言

八也八陰為老陰謂陰中之木潤澤所需故能蒔生永相續也

測曰老木生蒔永厥體

也枯而復生長有其身也

次八永不軌凶亡流于後

八為禍中故凶亡也亦為

老木木老則枯故不得長為軌法也不得為法故後凶也

測曰永不軌其命剗也

剗

也剪也上九永終馴首永長也馴順也首始也家性為永絕也九為之終始終相順故言終其順

也測曰永終馴首長愷悌也永順於首故長樂易也

☲☳☴☵☶☷ 二方三州昆地玄陽家九金陰將離之陽尚昆之昆

道尚同行屬於金謂之昆者言是時陰氣已盛將散萬物之枝葉陽氣未去與物同昆無益無損故謂

之昆昆之初一日初一昆于黑不知白金生水一亦為八翼宿十一度

性又黑故同于黑而不知白也和測曰昆于黑不可謂其光同其塵不可以自別白也

人也昆同之家不可次二白黑菲菲三禽一角同尾為

朱鳥故稱禽也陽稱三南方太陽故三禽也角以諭害也角尾昆同故知不為害也菲菲離也白黑相雜諭賢

愚不測曰三禽一角無害心也昆然同故無所害也次三昆于白

失不黑無除一尾三角

三為進人故昆于白也黑以諭愚其明白者失於不愚故有道

則知無道則愚愚不可及昆同之世故失不愚也尾以諭濡角以諭害無除尾角則有害也

測曰昆

白不黑不相親也

無除此害則不得相親愛也

次四鳥託巢于叢人

寄命于公

三木也木在四上稱巢巢故叢也四為離故稱鳥鳥之歸巢猶人之歸於公家也無私為

公君無私民所寄也

測曰鳥託巢公無貧也

均之以公故無貧也

次五穀不

穀失䟽數衆釐毀玉

穀祿也五為天子䟽數不平也祿而不以祿於賢者故失在不平也

釐而毀玉猶積毀消金測曰穀失䟽數奚足句也
句猶

雖其居高不可不慎也言不足
次六昆于井市文車同軌六為水故稱井為泉

徇慕也
歸以信故同于市井市無二價路不拾遺家性為昆故書而同文而車同轍也測曰昆于市井

同一倫也
倫正也皆正合之也
次七蓋徧不覆晏雨不救七為失志恩不

濟徧故蓋不覆也晏雨以喻威也雨威不救君德之不隆也
測曰蓋徧不覆德不均也

如蓋不覆故不均平也
次八昆于危難乃覆之安八木也家性為昆恐同于九昆

以金為危難也覆愛均同故安也
測曰危難之安素施仁也
世素均同故不畏于

九上九昆于死弃寇遺九金也金克於木故為八寇也
家性為昆同死生之事欲齊其

志以防於難人九既素與八為寇七來測曰昆于死弃
抑之八盛金哀為母報仇則遺其寇也

厥身也

見急無救
故身弃也

太玄經卷四

謹案卷三第一頁前六行清明節終於事首之上
九穀雨氣起於此首之初一刊本事首訛此首
上九訛次八初一訛次九按清明氣起於樂首
之次七三分一十七秒至事首上九已滿一氣
而此首之初一穀雨氣起矣今改正

第二頁後六行修內表外刊本脫外字據趙如源
本增

第三頁前一行故為甞刊本甞訛鼻據經文改

第三頁後一行所斷不當刊本訛所當不斷據趙如源本改

第四頁後二行其言柔且毅刊本言訛人據本注及趙如源本改

第四頁後三行柔不失剛剛不失柔刊本訛柔失乎剛剛失乎柔據趙如源本改

第五頁前八行穀雨氣終於此首之次三立夏起於此首之次四刊本三訛一四訛二按此首與

天玄閑首相配氣終氣起亦同今改正

第五頁後一行入畢宿十一度刊本畢訛鬼據晁
說之易玄星紀譜改

第五頁後四行遇冰則困刊本遇訛過據趙如源
本改

第六頁後七行日入畢宿十五度刊本五訛二按
上文裝首初一日入畢宿十一度至此當十五
度今據晁說之易玄星紀譜改正

第七頁前八行四稱公侯在師之中而如鷹揚刊
本四訛口如訛始據趙如源本改

第七頁後五行竊視稱瞋刊本視訛親據說文及
趙如源本改

第九頁後二行三二方一州三部一家刊本訛作
三二方一州三部二家與下斂首同今據卷首
玄圖及晁說之易玄星紀譜改正

第九頁後五行然相克害刊本相訛指據趙如源

本改

第十二頁後四行君子將仕刊本仕訛事據趙如

源本改

第十三頁後三行以懦得民刊本懦訛儒據趙如

源本改

第十七頁後六行日入井宿二十五度刊本二訛

三據晁說之易玄星紀譜改

卷四第一頁後六行事之妖祥刊本事訛雖據趙

如源本改

第四頁後一行竈無實刊本脫實字據贊辭及趙
如源本增

第五頁後七行陰氣在內刊本訛陰夜其內據趙
如源本改

第六頁前三行身未升階刊本未升訛升未據趙
如源本改

第六頁前五行故成其大也刊本訛大利為大也

據趙如源本改

第七頁前七行一在水行刊本一訛二據本贊及
趙如源本改又水性汭動刊本汭訛不據本書
釋音云汭古流字改

第十頁後一行孔鴈鳥之知禮者刊本脫鴈字今
增

第十一頁前六行中下象遯卦刊本下訛中象上
衍亦字據晁說之易玄星紀譜及趙如源本刪

改

第十一頁後六行故鞭馬而去之也刊本鞭馬訛
馬鞭據趙如源本改

第十四頁前二行六水刊本水訛本據晁說之易
玄星紀譜改

第十五頁後一行三二方三州三部一家刊本訛
作三二方三州三部二家與下永首同今據卷
首玄圖及晁說之易玄星紀譜改

第十七頁後七行潤澤所濡刊本濡訛高據趙如
源本改



南漢書
金鑑
史記

總校官中書臣吳紹潔

校對官檢討臣李學錦

謄錄貢生臣王詢

欽定四庫全書薈要

子部

太玄經卷

五至
七

詳校官員外郎臣潘紹觀



太玄經卷五

漢揚雄撰

晉范望注

至晦第五

方一州減人玄陽家一水

陰氣息陽氣消陰盛陽

哀萬物以微

行屬於水謂之減者立秋氣終於昆首處暑氣起於此首之初一斗指申夷則用事

陰日已減陽日已哀萬物減損故謂之初一善減不減冥之減減之初一日入翼宿十五度

初一善減不減冥

一水也善減自損也不減者不能自損也常能自損若水之性內自淪下人不見之故冥也

測曰善

減不減常自沖也

常自沖虛故冥之也

次二心減自中以形于身

二火也亦為陰位陰中之火光而不炎故減自中也火為心形見也心而自損故見身也

測曰心減

形身困諸中也

內自困責求之中心也

次三減其儀利用光于階

三為進人必其當進故先自損損己益人故減其儀也無德不離必至于四從四承五位當公侯故登階陞有光榮也

測曰減其儀欲自禁也

自守以約禁己之非也

次四減于父

貶其位

又治也金性剛彊而在陰位自減於治不重不威故貶位也

測曰減於父無

以莅衆也

居高據衆以德威民也

次五減其黃貞下承于上寧

五為

天子處於中央故稱黃也居中得正故貞必正其道為下難附故減貞也臨長四方故曰下承奉天以禮時節

和調故上寧也

測曰減黃貞臣道丁也

丁當也臣敬於上故道當也

次六幽

闡積不減不施石

六為水故稱幽施祿及下故曰闡積家性為減減而不施故謂之石也

測曰幽闡不施澤不平也

不施如石故其思澤不行者也

次七減其疾

損其卹厲不至

卹憂也厲危也七火也為水所克故為疾也家性為減盈則損之疾除憂解所

惡者消危懼之難故不至也

測曰減其疾不至危也

所害以除故不至於危亡也

次八瀏連連減于生根

八木也秋木始衰瀏汙也連連汙垂之貌木衰而憂故汙連也

生根見減故益憂也

測曰瀏連之減生根毀也

秋木衰落故根毀也

上九減

終利用登于西山臨于大川

九最後故減終也在西為金故曰西山也金生于水

故積大川者也山下有川故相臨也登山履高能自損減故利也

測曰減終之登誠可

為也

減道已終履其至險以濟艱屯臨於大川以救昏墊誠可為也

䷗

三方一州一部二家

嗟

人玄陰家二火下中象否卦

陰不之化陽不之施萬

物各嗟

行屬於火謂之嗟者言陽在於上陰在於下陰陽嗟閉故謂之嗟嗟之初一日入軫宿二度也

初一嗟不予丈夫婦處

一為下人而在嗟者陽不之施故婦處也

測曰嗟不

予人所違也

志不丈夫故人違之也

次二嗟于血資乾骨

血以諭濡二火

也故乾陰中之陽故稱骨家性為嗟故無濡潤之所施也

測曰嗟于血瞿自肥也

瞿省

而自肥也次三貌不交嗔凝嗟無辭

三者陰家之陽而在嗟世故朴素也貌無容飾

不能交人 哄 礙 有聲而無辭也

測曰貌不交人道微也

不能交人故微也

次四

噍其穀不振不俗 纍老及族

四為公侯而在噍家祿不施賜又不振救族類之老

順俗垂亘故為纍也

測曰噍其穀不得相希也

世之噍閑故不得相希望也

次

五不中不督腐蠹之嗇

五為天位陰家之陽故不中不督也賦餒不中故稼膏腐也

測曰不中不督其噍非也

噍而不予故為非也

次六泉源洋洋

噍于丘園

六水也故為泉源洋洋大水之貌也丘園以諭高也水性就下故噍于高也

測曰

泉源之噍不可譏也

所施唯謙人何譏之也

次七噍于體黃肉毀

體謂綴體相連若子孫也七為失志失志無道噍于親親內不相附故骨肉毀也

測曰噍于體

骨肉傷也

九族不睦故傷也

次八嗟遇禍禱以牛解

八為過中以五為牛

木剋於土故為禍也牛以解禍庶獲其福家性嗟嗇在六不施八六子也故遇其禍也

測曰嗟遇

禍大費當也

牛為大費請禱蒙福故當也

上九嗟不雨孚乾脯

九金也金

生水家性為嗟嗟而不施故不雨也孚信也嗟而不雨信當枯槁無潤施民如脯之乾無恩澤也

測曰

嗟不雨何可望也

嗟無潤故無可希望也

䷗

三方一州一部三家

守

人玄陽家三木下上亦象否卦

陰守戶陽守門物莫相

干

行屬於木謂之守者言二氣相對上下否隔各守其位故謂之守守之初一日入軫宿六度

初一

閉朋牖守元有

閉塞也朋黨類也牖戶牖也元者善之長也有其身而閉黨類守其身之善者

則守家之道也

測曰閉朋牖善持有也

守一不移持

次二迷自

守不如一之有

二陰位也亦為目目在陰中故迷也迷而自守太行不正故不如一守身修善

諭持正

測曰迷自守中無所以也

以用也不先自守故無所用也

次三

無喪無得往來默默

三為進人當進德修業以及於時家性為守故能檢身不求於人無

喪無得無咎無譽常自循守故默默也

測曰無喪無得守厥故也

默而自守故守

其故次四象艮有守

四於戌為狗象似也艮難也似能難人者若狗也有狗之名而不

能御故言似也

測曰象艮之守廉無愜也

廉察而已不愜有之

次五守中

以和要侯貞

五為天子守中和之道以有其國諸侯之正主也故貞以道正國國人所歸雖處要

荒莫不畢至
測曰守中以和侯之素也

侯君也居中以正君之素所修

也
次六車案軻圭璧塵

六為上祿下之所奉車而案軻不通神靈不來不往告祭不時

故璧圭塵也
測曰車案軻不接鄰也

祚不遠被無所接及也

次七羣陽

不守男子之貞

七為陽世皆陽故稱羣也為六所克故不守守身求二三是其世因三問二所

介者遠在守之世自修而已故男子之正也

測曰羣陽之守守貞信也

守正無欲

故貞信也
次八曰無杵其碓舉天陰不雨白日毀暑

八木也故有白

杵之事亦陰陽之道也天不施雨草木枯槁故毀暑也

測曰白無杵其守貧也

碓舉

不用故貧也

上九與茶有守辭于盧首不殆

茶白也盧黑也九西方故白守

以類相求故辭黑首也守道之家四方無虞
安民得人不用旅力故白首之人並列位也
測曰與茶

有守故愈新也

老見任日以新也

三

三方一州二部一家

翕

人主陰家四金中下象巽卦

陰來逆變陽往順化物

退降集

行屬於金謂之翕者處暑氣終於此首之次二白露節起於此首之次三陰上為逆陽下為順

萬物日衰故曰退也降集自斂也故謂之翕翕之初一日入軫宿十一度初一狂衝于冥翕

其志

翕順也水性流行無內不入故稱狂衝初發自源蒙蒙然故謂之冥波蕩順志不拘于法水之性故

言順其志也

雖欲逍遙天不之茲

水之流行是天之性雖欲逍遙天之不順故曰天不

之茲茲此也言不令如此也

測曰狂衝于冥天未與也

水宜汙行天未與之道遙

者次二翕冥中射貞

二為平人不隱不仕故曰翕翕順也中中心也順其中心自近念遠

不違正道故貞家性翕順每自順從冥也

測曰翕冥中正予也

予我也我謂二也言二正

處中正也次三翕食嘍嘍

三為進人順意欲上祿食於四嘍嘍食疾之貌也疾欲仕進連於推讓故

嘍嘍也

測曰翕食嘍嘍利如舞也

所利不方故如舞也

次四翕其羽

利用舉

羽朋友之用善稱相翼之謂也五為土土生金親近於五常見舉用故利也朋友相翼進在祿

位有似叔牙之相管仲也

測曰翕其羽朋友助也

朋友者朋助之謂也朋友相衛是其

力助也

次五翕其腹辟金穀

五為天位而在翕家翕故順志故其口腹無施祿之意金

穀辟藏專足於已故翕其腹也

測曰翕其腹非所以舉也

自翕以欲故作貞舉之君

也
次六黃心鴻翼翕于天

六為五心五處中色黃故黃心也位尊心正所在必賢故

鴻翼也臣賢君明下順於上故翕天也

測曰黃心鴻翼利得輔也

鴻翼之正臣相

輔助
次七翕繳惻惻

七為繩為射射用繩者繳之謂也七為失志又為飛鳥鳥而失志故

高飛飛而遇繳欲去不得故惻惻也惻痛心也

測曰翕繳惻惻被離害也

飛而遇繳

故離害也
次八揮其罔絕其罔殆

七為罔罔而在八前故有罔罔之難八為青龍龍過

罔罔必免其害故絕罔也罔絕罔敗所綏不禁故有殆也揮而去之何俟之有也

測曰揮罔絕

罔危得遂也

羅罔而去得遂龍之志矣

上九揮其角維用抵族

九為兵為

極禍抵擊也金稱角諭刺害致禍揮而去之故擊其族類也

測曰揮其角珍厥類也

殄絕其族類也

三

三方一州二部二家

聚

人玄陽家五土中中象萃卦

陰氣收聚陽不禁禦物

相崇聚

行屬於土謂之聚者言陰威陽哀萬物哀落陰氣收取而崇聚之故謂之聚聚之初一日入軫

宿十度

初一鬼神以無靈

一最在下故稱鬼神神視之無形故言無如無所見故靈也謂

無形而

測曰鬼神無靈形不見也

形之不見也故鬼神也

次二燕聚

嘻嘻

二為平人不隱不仕平於世間家性為聚故相收會燕飲嘻嘻取樂而已也

測曰燕聚

嘻嘻樂淫衍也

樂而無節故淫衍也

次三宗其高年羣鬼之門

三為

門宗尊也高年可高而宗也鬼歸也進德之人修業及時當為王臣故羣歸其門也

測曰宗其高

年鬼待敬也

賢者所歸故待之以敬也

次四牽羊示于叢社執圭信

辟其左股野

家性為聚三木也木聚故稱叢五土而封聚故謂之社三亦為震震為股四為羊五

為天位四為公侯公侯執羔故牽羊也社稷之臣故言叢社也圭以為信亦股肱之臣也股肱左辟故股野也

測曰牽羊于叢不足勞也

奉羔進君非勞苦之事也

次五鼎血之猶

九宗之好乃後有孚

孚信也猶是草也五為天子故有鼎俎血食之祭九宗萃會燕好肅

敬不違於道然後相誓以忠信也

測曰鼎血之猶信王命也

天王之命以信為本

也次六畏其鬼尊其禮狂作昧淫亡

亡無也昧迷也淫謂淫祀也不正稱

狂六為宗廟郊祀天地告事於廟敬鬼神而遠之故迷淫亡也測曰畏鬼之狂過其正

也畏敬鬼神大道之正也次七竦萃于丘冢七謂下山山而下者丘冢家也火在水上

故竦火性炎上故萃丘冢也測曰竦萃丘冢禮不廢也恒自竦懼不廢禮也次


八鵠鳴在林呾彼衆禽八為林七為鳥鳥言呾怒故鵠鳴也鵠鳴賊鳥所在衆禽所避

賊人所在衆賢亦所惡故呾也測曰鵠鳴在林衆所呾也善惡相害故衆怒也上

九垂涕纍鼻聚家之彙金生水也九最處高故稱鼻鼻中之水而從高落故涕垂也家

性為聚彙者類也朋類相迫纍然相連也測曰垂涕纍鼻時命絕也位終涕垂絕命

也


二部三家積人玄陰家六水陰將大閉陽尚小開山

川數澤萬物攸歸

行屬於水謂之積者言是時陰氣上盛陽氣尚微見山川林澤物之所歸

積聚其中故謂之積積之初一日入角宿三度

初一冥積否作明基

一北也故稱冥否不

善也謂秋物哀也萬物哀落故言不善積哀落之物以備明歲故作明基言為明年之基業也

測曰冥

積否在惡也

所積不善故在惡也

次二積不用而至於大用君子

介心

二為心陰家之陰故稱君子積善之家雖不見用積善餘慶終於大用也介大也雖不見用君子猶

太其心志以俟時也

測曰積不用不可規度也

大人之心不可度知也

次三

積石不食費其勞力

石為四也在三之上故為積石故曰不食故費力也

測曰積

石不食無可獲也

雖積非飴故無獲也

次四君子積善至于車耳

陰家之陰故稱君子家性為積積善善益積惡惡聚四者陰位而在陰家故積善也積善成名故車生耳也

測曰君子積善至于蕃也

蕃車耳也車服有章以顯賢也

次五藏不滿

盜不羸

五為君位雖在積家陽道不足故不滿也積善多福故不致盜也

測曰藏滿盜

羸還自損也

多藏必厚亡損己之謂也

次六大滿碩施得人無亢

六為

大水水滿則盈故傾施也施祿及下故得人無亢言得天下之人無與亢對也

測曰大滿碩施

人所來也

言來致於人也

次七魁而顏而玉帛班而決欲收寇

魁藏也顏見也玉帛者決以其欲而果決致寇也

測曰魁而顏而盜之招也

多藏

厚亡欲招盜也

次八積善辰禍維先之罪

八木也木到秋逢嚴霜為之作禍非已之

罪也此乃火鑠金故也金到秋而治於木者
木乃為火高祖父故致此禍非己之罪也
測曰積善

辰禍非已辜也

罪由先人故非己之辜也

上九小人積非至于苗裔

玄孫之後稱苗裔陰家之陽故言小人夫積善之家必
有餘慶九而積非先克於木故木克土土則金玄孫也
惡之大者乃至苗裔
測曰小人積非禍所斃也
積非之人禍所委也

䷗

三方一州三部一家

飾

人玄陽家七火上下象賁卦

陰白陽黑分行其職出

入有飾

行屬於火謂之飾者白露節終於此首之次五秋分氣起於此首之次六斗指酉南呂用事陰

升於西故言白陽退於北故言黑陰陽分職所主
白黑相襲故謂之飾飾之初一日入角宿七度

初一

言不言不以言

一陽家之陽故稱君子君子之道非法不言以道自飾不虛文也

測曰

言不言默而信也

非法不言故默而信也

次二無質飾先文後失

服

二陽家之陰小人道也無質而飾文以取容故失服也

測曰無質先文失貞也

無質而飾故失貞也

次三吐黃酋舌甘黃聿利見哲人

哲人謂五也黃中也

舌言也聿述也三為進人而在火行火燥而進當上於

四四為公侯之位吐出中言甘盡道述以奉於五故利

見也測曰舌聿之利利見知人也

因四奉五利見智德之人

次四利口

哇哇商人之貞

四為利口哇哇展轉之貌也貞正也夫人不不言言必有中口舌展轉不可反覆

此蓋商賈之正也

測曰哇哇之貞利于商也

哇哇之言商人之利也

次五

下言如水實以天牝

五為天子水善下人故其下言赴下如水所以獲尊位實如天子以

北守之故
曰北也

測曰下言之水能自沖也

能自虛沖故致尊位也

次六

言無追如抑亦飛如大人震風

如抑皆辭也六為上祿施祿乎民實慶刑威言

不可追言出如飛發

測曰言無追如抑亦揚也

福之抑揚實難

動震來故震風也

知次七不丁言時微于辭見上疑

丁當也七為失志之主不可正諫故不當

言時事也微辭依違以見於上與上自疑反正道也

測曰不丁言時何可章也

風切

而已不可章灼也

次八蛰鳴喁喁血出其口

蛰蟬也恒託於木其鳴也則血出其

口不鳴則喁喁然家性為飾當相飾丈四金八木金克於木故曰出血也

測曰蛰鳴喁喁口

自傷也

小人多口四則哇哇八又出血故傷於口也

上九白舌于于屈于根

君子否信

九為言金為白故白舌也于于多難之貌

測

曰白舌于于誠可長也

人所可長以為戒也

䷋

三方一州疑人玄陰家八木三部二家疑上中象震卦

陰陽相磴物咸彫離若

是若非

行屬於木謂之疑者言是時陰陽分數晝夜等齊對相切磨萬物彫傷而離散陰王陽廢是非

有疑故謂之疑疑之初一日八角宿十二度

初一疑惘惘失貞矣

貞正也矣直也一小

人也執志不固惘惘然從人故失正直之道也

測曰疑惘失貞何可定也

心之多疑

無所定也

次二疑自反乎不遠

二為平人而在疑家益以有疑火性燥上二上臣五故自

反也三當上進四據祿位以次當升故信不遠也

測曰疑自反反清靜也

清靜自守

方得位也次三疑彊昭受茲閔閔于其心祖

祖始也彊彊梁也昭明也三為

木而在木行故疑彊梁而明盛也必受此疑故閔閔測

然而自憂也於其心意始時所行不違於道故明也

曰疑彊昭中心冥也

自疑不審故心冥也

次四疑考舊遇貞孚

考問

也乎信也君子之道故舊不遺今而測曰疑考舊先問

也有舊而問故疑也次五赫黃疑金中

赫赤也土色黃而先言赤者故疑也外赤內黃

故言疑金中陰家測曰赫黃疑中邪奪正也

以赤奪黃非其色正

也次六誓貞可聽疑則有誠

六為之師師衆之事以誓為正故曰誓貞貞正也事

正故可聽也可聽則測曰誓貞可聽明王命也

精誠之言明時

王之命也 次七鬼魂疑貞厲嘽鳴弋木之鳥射穴之狐反自

耳厲

七火六水水滅於火故為七鬼也厲惡也六正克七故貞厲也嘽鳴歎也七為射又為兵兵飛而射

也弋射也為羽又為日日中有鳥八木七上於八故鳥在木上而曰弋木之鳥也

測曰鬼魂之

疑誠不可信也

鬼魂之凶誠不可取信也

次八顛疑遇幹客三歲不

射

射厥也幹貞也顛下也三終也八木也而在木行二木相當客之謂也下疑遇幹貞之客人以名貴故終

歲不

測曰顛疑遇客甚足敬也

幹貞之客故可敬也

上九九疑無

信控弧擬麋無

九為金故為弧矢比疑世也九位皆疑故九疑也無信無所信也控弧擬麋猶

曰無者疑之甚也

測曰九疑無信終無所名也

弧而不發何所成名也



三方一州
三部一家
視人玄陽家九金

陰成魄陽成妣物之形

貌咸可視

行屬於金謂之視者魄形也妣母也言陰已成形謂坤象見也陽在地下養萬物根莖若

母之養子也萬物形貌皆可觀視故謂之視視之初一日入亢宿四度

初一內其明不用

其光

自視稱內明一而內明內自省視內省不疚何憂何懼故內其明也無以下人以光自耀故不用也

測曰內其明自窺深也

深窺已瑕而自改也

次二君子視內小人

視外

君子謂一也一內其明故視內也小人謂二也陽家之陰故稱小人大光外照故視外也

測曰

小人視外不能見心也

光明外照故不見已之心也

次三視其德可

以幹王之國

三為進人日新其德必升四而為公侯故幹國也家性為視內自省見故視其德也

測曰視德之幹乃能有全也

能自省料故全也

次四粉其題頰

雨其渥須視無姝

題頰也頰面也渥美也姝好也粉飾也四者公侯之位而在陽家之陰故

小人也為小人之道不飾其心而飾其面猶姝姝之好而遇於雨故視無好也

測曰粉題雨須

不可忍瞻也

飾面遇雨不可視之也

次五鸞鳳紛如厥德暉如

五

天位故稱鸞鳳孔子曰鳳鳥不至明為天瑞也紛如也有文章也暉如文德之貌也有文有德故暉如也

曰鸞鳳紛如德光皓也

言其德皓皓然盛也

次六素車翠蓋維視

之害貞

宗廟尚質故素車也車素蓋羽猶為不純車服不純惟身之二家性為視能內自視改復於正

故貞也測曰素車翠蓋徒好外也

君子之道被褐懷玉今高自外飾好非道之貞

也次七視其瑕無穢

七火也火性光炎身不容瑕家性為視而內自視身光已清故無穢

也測曰視其瑕能自矯也

自矯以正故無瑕穢也

次八翡翠于飛

離其翼狐鼯之毛躬之賊

八為震震為鳥故翡翠也於知為兔狐鼯屬也各以文毛

之用遂致殺身之禍不自視之咎也

測曰翡翠狐鼯好作咎也

八獨無視故逢咎也

上九日沒其光責于東方用視厥始

九西方也日之將入故言沒其光也

責飾也易曰山下有火責責黃白色也將入之日既赤且黃若初出之時也故曰用視其始也

測曰日

沒責東終顧始也

終始相顧不相乖違者也



三方二州一部一家 沈

人立陽家一水下象兌卦

陰懷于陽陽懷于陰志

在玄宮

行屬於水謂之沈者言陰氣升上陽道退下不相交錯陰陽宜交今不得通故相懷戀志於玄

宮也在下故謂之沈沈之初一日入亢宿八度初一沈耳于

閨不聞貞

貞正也一為耳耳在水中故沈也閨內也內者婦人之事一小人耳志在於內不聞正道

故言不聞貞也 測曰沈耳于閨失德體也

無有遠志故失體也

次二沈視

自見賢於眇之眇

二為目而在沈家故沈視也視而沈者必見其內內省不疚無所憂懼必

而自見是賢眇之所眇也

測曰沈視之見得正美也

而自省察道之美也

次三

沈于美失貞矢

矢直也貞正也三為進人進不以道沈淪美色故沈美也不得其道故失正直

也 測曰沈于美作聾盲也

沈故美色故聾盲也

次四窈雛沈視食

苦貞

四為酉故稱宛雖亦為公侯義不素食故先苦而後得祿也得必以正故貞也

測曰宛雛

沈視擇食方也

言其所食必當方也

次五雕鷹高翔沈其腹好蠅惡

粥

粥出也蠅懷也五為天而位正以雕鷹喻者家性為沈沈於惡位高翔不復猶貪暴之君高志穢行好懷

畜利惡所出也

測曰雕鷹高翔在腐糧也

為君腐糧下不足也

次六見票

如累明利以正于王

票飛光也累明也六為上祿君子之道重明麗正光輝遠聞故利以

正於王也

測曰見票如累其道明也

道之分明故自見也

次七離如婁

如赤肉鵠臬厲

厲惡也七為目故稱離婁力視之號也七為鳥故稱鵠臬鵠臬貪惡之鳥也故見赤

肉而力視之也

測曰離婁赤肉食不臧也

視其非求故不善也

次八盼得

藥利征

盼目之美也詩云美目盼兮濁盼而視故見藥藥以除疾猶明君求賢以祛蔽也蔽間故利征

也測曰盼得其藥利征邁也

邁行也利以行次九血如

剛沈于顙前尸後喪

血憂也九又為金故稱剛亦最在上故言顙也家性為沈九為之終

故沈於顙也在前為尸謂木見克也在後為喪為火家在後克九金也

測曰血剛沈顙終

以貪敗也

進退有禍故終敗也

䷗

三方二州一部二家

內人玄陰家二火下中象歸妹卦

陰去其內而在于外陽

去其外而在乎內萬物之既

行屬於火謂之內者秋分氣終於此首之次二寒露

氣起于此首之次三言陰氣盡於天地之間陽氣復其下既已也故萬物已成將當蓋藏入於室內故謂之內

內之初一日
入氐宿四度
初一謹于娶執初貞後寧

一水也火為之
娶春秋傳火水

娶也故謹其內執也謹其娶匹男女
道正故貞夫婦別室家安故後寧也

測曰謹于娶執

始女貞也

為女道正故
為賢婦也

次二邪其內主迂彼黃牀

內主
為婦

也火為水妃必見克害故內主邪也迂遠
也黃中也牀亦內也內主不正故遠之也

測曰邪其內

主遠乃寧也

性相克害故遠
之乃安寧也

次三爾儀而悲坎我西階

三陽位也內者婚姻之道仲春之月木盛東方坎憂也
爾汝也汝三也悲悲已也納內之世親迎之道婦升西

階有代親之義故爾
自非憂戚而已也

測曰爾儀而悲代母情也

感母見
代故悲

心次四好小好危喪其蘊袍厲

厲危也蘊袍謂食祿也
小好謂非正侈靡之事

也居公侯之位不念盡忠以測曰好小好危不足榮也
和陰陽而徇侈靡故喪祿也

所好非事故不次五龍下于泥君子利用取娶遇庸夷

是以為光榮也五土也六為水土在水下故泥也能以諭陽陽下於陰
親迎之義也故君子利以取娶也庸大也夷悅也親迎

以禮故大悅也測曰龍下于泥陽下陰也親迎之時次六黃昏

于飛內其羽雖欲滿宮不見其女六為宗廟納婦廟見
然後成婦昏者親迎

之時也于飛飛就陽也內其羽入于宮也六欲妃五而五克之見克不進故不見其女也測曰黃昏

內羽不能自禁也時過將奔禮次七枯垣生莠矐頭內

其稚婦有七為祖父故白頭也白而不純謂之矐白頭而
內稚婦者二為仲女而與七合故有稚婦也

測曰枯垣生莠勿慶類也

老夫女妻明不足慶猶可以繫旄類也

次八內

不克婦荒家及國涉深不可測

克勝也荒亡也八陰也八當婦於九九而克之

故不勝婦也婦而不勝故家亡家亡及國故不可深豫測也

測曰內不克婦國之孽

也妖孽之生災及家國也

上九雨降于地不得止不得過

金生水故雨降

也雨施於地上施惠于下也不得止者祿有常數也不得過者不賞無功也

測曰雨降于地

澤節也

雨降于地節之以波澤也

䷧

三方二州一部三家

去

人主陽家三木下上象无妄卦

陽去其陰陰去其陽物

咸偶倡

行屬於木謂之去者偶張也倡咸也言是時陰陽易位二氣交錯萬物張咸各去其位故謂之

去去之初一日

入氐宿九度 初一去此靈淵舍彼枯園

一為水最在下故稱靈淵

舍居也行在木木於秋而廢又一為沙泥木廢泥沙之上是為枯園家性為去故去下居高也

測曰去

此靈淵不以謙將也

水以善下為本今去下即高非謙德也

次二去彼枯

園舍下靈淵

二火也水克於火故相反也

測曰舍下靈淵謙道光也

去高即卑 次三高其步之堂有露

三為進人故高其步也五為堂視遠步高

當升未至故其 測曰高步有露妄升也

不循揖讓而高其步故妄升也

次四去于父子去于臣主

五以上為祖父之屬也四以下為子孫之例也四次於五

五升則四上父沒則子繼家性為去故去小而升大也

測曰去于父子非所望也

子襲父位雖當居尊

明無先望之意也

次五擗其衣之庭有麋

五為衣麋草也方近

於水故擗衣也庭中庭也五為中

測曰擗衣有麋亦可

懼也

庭之不除君之懼也

次六躬去于成天遺厥名

六為上祿祿位高而尊家

性為去當成功而讓於人或若堯舜或便還五功成身退故天遺其名也

測曰躬去于成讓

不居也

已居天位公之於賢也

次七去其德貞三死不令

令善也七為火

其行屬木為其父母于去父母故言去其德也家性為去雖去而正故貞也

測曰去其德貞

終死醜也

三為終去其父母故終死不善也

次八月高弦火幾縣不可

以動動有愆

八陰也故為月月之高弦二十之餘也火謂大火火之幾縣歲將晚也八者老疾之

位於年為八十愆過也如月動而益晦火日以流退皆時之候也人之年老亦猶然致仕懸車遺法後生不可妄動以測日月弦火縣恐見咎也常恐見咎故無咎者也上九求

我不得自我西北

此木行也而金克之家性為去故去之也其求之也不西則北子求母本

是其義也測曰求我不得安可久也

雖在去家安可久行也

䷗

三方二州二部一家晦人主陰家四金中下象明夷卦

陰登于陽陽降于陰物

咸喪明

行屬於金謂之晦者言陰陽易位萬物日彫故喪其明於晦闇之地故謂之晦晦之初一日入

氐宿十三度

初一同冥獨見幽貞

水在金行于母之道在於晦闇之世雖同於冥故能

獨有所見而處於下故幽以陽居正故貞也

測曰同冥獨見中獨昭也

處晦而明

故昭也

次二盲征否

二為目而在陰位位陰世晦故盲也火克於金故否行數不通故正否也

測曰盲征否明不見道也

既盲又否故不見道也

次三陰行陽從

利作不凶

夫陽行則陰從今而反之明世晦也然去婦之道共成家事雖非公正作務之事未為凶

也測曰陰行陽從事必外也

居家理治可移於官故必外也

次四晦其

類失金匱

四金也而在其行處晦之世故曰晦其類也金匱美寶也四是公侯之位而在晦世故失

其美質也

測曰晦其類法度廢也

國之美寶廢失之也

次五日正中月

正隆君子自晦不入窮

五在中央故日月正中也月滿之時亦於中也故以日月喻矣

五為天位而在晦世從時而卑故自晦也謙尊而光故不入窮也

測曰日中月隆明恐

挫也

日中則昃故明挫也

次六玄鳥維愁明降于幽

降下也六為上祿高而無

民幽者神所居也宗廟之道以幽為明六為玄七為鳥以祠祭宗廟而維愁也

測曰玄鳥維愁

將下昧也

冥昧之中神所居之也

次七朞提明德或遵之行

七為失志

朞者目不明也提弃也弃其明由晦世也遵猶循也或循之行從時之宜也

測曰朞提明德

將遵行也

言行以德也

次八視非其直夷其右目滅國喪家

七為目八因以視故曰視其直也夷傷也右目為七也在八之右故為右目家性為晦目少且晦故傷也上欲

敵九九克於木故曰滅國滅故家喪也測曰視非夷目國以喪也

相克之世故喪

也○如霸王遇韓信眼不別賢而亡也○累將數本校勘無此注十三字惟林氏印行本中有恐是林氏新意

不敢除
去也

上九晦冥冥利于不明之貞

貞正也九金也而在晦世故冥冥也

利以不明隨時
之宜則貞也

測曰晦冥之利不得獨明也

時世晦闇九雖正陽

宜自抑損不得
獨自分明也

太玄經卷五

太玄經卷六

漢 揚雄 撰

晉 范望 注

從魯至養第六

三

三方二州
二部二家

魯

入玄陽家五土中
中亦象明夷卦

陰征南陽征北物失

明貞莫不魯魯

行屬於土謂之魯者寒露節終於此首
之次四霜降氣起於此首之次五斗指

戌無射用事征行也陰南陽北故萬物失其明正
之道魯魯然故謂之魯魯之初一日入房宿三度初一

魯復睽天不覩其軫

一水也而在土行土克於水故魯
魯然也睽窺也魯晦也魯復而窺

天天道高遠不可觀
察故不見其軫界也

測曰普復睽天無能見也

普普不
明故無

能見也

次二明復睽天觀其根

二為目又為日故明也腹
目俱明所照者遠觀於人

事無所不見故
觀其根者也

測曰明復睽天中獨爛也

無所不見
故爛明也

次

三師或導射豚其埆

師為導者也豚道也埆射的也木
在土行數相克故導也亦為進人

人之欲進必須明分分之不明
猶替導射而適其天志不正也

測曰師或導射無以辨

也導者不明故
無以別也

次四鑒貞不迷于人攸資

四金也故為
鑒鑒之正者

猶為不迷況得賢者與為治乎于於也資取
也攸所也於人所取資者無過於鑒賢也

測曰鑒貞

不迷誠可信也

以賢為鑒
可保信也

次五倍明假光觸蒙昏

五為
天子

當以賢自輔為明白光家性膏膏
未知所就故倍反明光而觸忌也
測曰倍明反光人可

頻也

倍反光明人所不錄也

次六夢曹之離不宜熒且妬

六為上祿而在

曹家故曹曹也曹猶夢夢也離為日熒謂月也君夢然
若日之將出不可熒然若月之將毀也妬小貌也終當
如離離日也
故不宜小也
測曰曹曹之離中夢夢也
夢夢而進勝
次

七夢好明其所惡

七為失志在夢之家益以不明志失禍生惡加乎下好自大飾求明

於人故好明其所惡也

測曰夢好之惡著不可昧也

惡而求明昧更著也

次

八昏辰利于月小貞未及星

昏日入也日入月出轉相繼續故言利于月也以月

續日可以小正故言小貞未及如星爛布天下也

測曰昏辰利月尚可願也

以月

繼日故猶可願樂也

上九時蹇蹇不獲其嘉男子折筭婦人易筭

筭筭飾也男子有筭婦人筭之以飭蹇蹇長歎也嘉善

也男謂九也婦謂八也金木相克故筭折筭易故不獲

其善也八生於七今力克

測曰不獲其嘉男死婦歎也

之故七復仇而消男也

男子消亡而

女長歎也



三方二州

窮

人玄陰家六水中上象困卦

陰氣塞宇陽亡其所萬

物窮遽

行屬於水謂之窮者言是時陰氣盈滿於天地之間故曰塞宇玄離曰闔天謂之宇是也故陽

氣無復所立萬物窮遽遽忙也故謂之窮窮之初一日入心宿二度

初一窮其窮而民好

中忠信也陽位陰家君子之道也君子之道故有窮爾窮而不遺忠信之道也下從其上民之所好故好

也 測曰窮其窮情在中也

上苟不欲民之所好在忠信也

次二窮不窮

而民不中

二為小人故不以窮為窮而濫竊足已故民不忠也

測曰窮不窮詐可

隆也

不可厚行詐也

次三窮思達

三為進人而在窮世故而自思以求達道有似仲尼之畏

也 測曰窮思達師在心也

師循也思循文王之道也

次四土不和

木科櫓

土為五也木謂三也木克於土故不和也土而不和吐生而不育故皆科枯枝葉不布亦金克

木之所致也

測曰土不和病乎民也

五為君位君而不和故民病也

次五羹

無糝其腹坎坎不失其範

範法也五為君位處於窮世世窮身約故羹無糝也土為

大腹腹大不充故坎坎也然而自約不失其法也

測曰羹無糝猶不失其正也

窮不易道

次六山無角水無鱗困犯身

角禽也鱗魚也皆山水之所畜

故不失也

而住窮世故獸魚託焉

測曰山無角困百姓也

萬物窮而無託

託而無救故身犯困也

故百姓

次七正其足蹠于狴獄三歲見錄

七九也亦稱君子之道正

困者也

直而已而以盛火為水所克世窮見克若蹠獄也三終

也苟自正直終歲之間獄事究竟三槐九棘理以正曲

曲得其情

測曰正其足險得平也

世雖窮險貴得其平也

次八涉

方見錄也

于霜雪纍項于鄰

霜雪以喻害也八為小人人小人在上下民履害涉履其難為己之累項高

鄰卑卑高不敘難之所生

測曰纍項于鄰亦不足生也

故言霜雪霜雪木之害也

不敘之世不足

上九破壁毀圭曰竈生龜天禍以他金

賢者之所生也

也故稱圭璧為土所克故圭璧頑也九為君子君子守義者也義然後取今在窮家焚而無糝坎坎不足故曰竈廢也竈虫也虫生於竈測曰破壁毀圭逢不幸也

圭璧

下不偶天禍故以他也

毀破故逢不幸也



三方二州
三部一家
割 人玄陽家七火

陰氣割物陽形縣殺七

日幾絕

行屬於火謂之割者言陰氣甚急滅割物之形體陽無所據縣絕於天地之間餘去冬至四十

九日當言七七但言七者約數之也幾近也言於此至未復之日亦近於割絕故謂之割割之初一日入尾宿

二初一割其耳目及其心腹屬

一坎也故為耳目耳目所以見于遠心腹之臣

遠施耳目以昭明境外而見割止忠言不用故屬屬危也

測曰割其耳目中無外也

耳目之臣而見割減故無外也

次二割其肱贅利以無穢

二火也火性外照陰為疾

疫故有肱贅割而去之疾除穢去無累於身故言利也

測曰割其肱贅惡不得大

也除其穢疾故惡不得大也

次三割鼻食口喪其息主

三為進人而在割損之世

苟念自進以鼻食口非益之道也君子之益隆基本上下相配也鼻者氣息之主也今而見割故喪息主也

測曰割鼻喪主損無榮也

喪身之主無榮也

次四宰割平平

四為

公侯故稱宰平平則無私家性為割割君之祿以施於下平心正意各得其所故曰平平也

測曰宰

割平平能有成也

各得其所故有成也

次五割其股肱喪其服馬

五為天子位陽家之土暗昧之主也服馬以喻臣也股肱良則庶事康令者割喪失其所任也故服馬喪也

測曰割其股肱亡大臣也

君道暗昧故大臣亡也

次六割之無創

飽于四方

宗廟之道下之所奉割損財貨以祿於下若水之性故無創也下得其道故四方飽也

測曰割之無創道可分也

以道為惠周流四方也

次七紫蜺喬雲

朋圍曰其疾不割

紫蜺慶雲圍曰災祥也先慶後災所以徵時也七為失志故為疾陽家之

陽故不割也

測曰紫蜺喬雲不知刊也

臣之不正不知刊除也

次八割

其蠹得必疾

八稱君子感天之變知下不正而除去之則得我心所疾也

測曰割其

蠹國所便也

割去不正便於國也

上九割肉取骨滅頂于血

肉以

骨以諭君九者金也割害於八家性為割益以殘賊

測割取人民以及其君頂最於上故見滅也滅沒也

曰割肉滅血不能自全也

唯七不割故九不得獨自全也

䷋

三方二州三部二家

止

人玄陽家八木上中象艮卦

陰大止物於上陽亦止

物於下下上俱止

行屬於木謂之止者霜降氣終於此首之次八立冬節起於此首之上九

言萬物上隔於陰下歸於陽各止其所故謂之止止之初一日入尾宿六度

初一止于止內

明無咎

陰陽隔絕各止其所故能如水內自清明時行則行時止則止故無咎也

測曰止于

止智足明也

知難則止智足明也

次二車輒俟馬首止

二為平人不隱不仕

家性為止故車則輒俟而馬就止也

測曰車輒馬止不可以行也

晏然無求故不

行也次三闔其門戶用止狂蠱

三為門戶家性為止故門戶闔也蠱注也是故重門

禁暴客闔
止狂淫也

測曰闔其門戶禦不當也

狂淫之人當禁止也

次四止

于童木求其疏穀

四為金而克於木故童木也而求其實非其時也果為疏穀也

測曰

止于童木求其窮也

求疏童木故窮也

次五柱奠廬蓋蓋車穀

均疏

五為天子位故稱車蓋奠置也柱置待廬猶置臣待君也君處重蓋之中故重言蓋也穀善也均平

也疏大也居上以通故平大也

測曰柱及蓋穀貴中也

貴處中央天之位也

次六

方輪廣軸軻軻其輿

六為上祿故有輪輿之事若齊車也七稱車六稱輿六克於七故坎

軻測曰方輪坎軻還自震也

坎軻不安故震怖也

次七車繫其僂

馬獵其蹄止貞

僂輪也輪而見繫故云坎軻車繫馬罷故蹄獵也輪繫蹄獵不可乘行家性為

止故曰
止貞也

測曰車疊馬獵行可鄰也

車疊馬罷不可以遠行止於鄰里

次

八弓善反弓惡反

八木也故為弓善弓反發則善反其故也詩云四矢反兮言反其故處也

惡弓者不善發

善馬恨惡馬恨

善馬常恨養不足也惡馬常恨不早除也亦以

則偏然反也

諭臣之善惡也春秋傳曰不早為

絕弮破車終不偃

偃止

之所是也弓馬皆惡故不可用也

也弓馬不良猶臣不忠直故

測曰弓反馬恨終不可以

有絕弦破車之禍也弮弦也

也以用也弦絕車破不可用也上九折于株木較于硤石止

九為金故稱石

反八則克木高上則石困進
退不宜故言較于硤石也

測曰折木較石君子所止

也君子守道正其所也

三 方 二 州 堅 人 玄 陽 家 九 金 陰 形 胼 冒 陽 喪 其 緒 物

競 堅 彊 行 屬 於 金 謂 之 堅 者 胼 固 也 緒 業 也 言 陰 氣 固

入 尾 宿 初 一 磐 石 固 內 不 化 貞 陽 家 之 陽 在 金 之 行 母

之 性 不 可 動 移 故 貞 也 測 曰 磐 石 固 內 不 可 化 也 內 能 磐 固 故 次

二 堅 白 玉 形 內 化 貞 家 性 為 堅 雖 充 其 本 不 能 消 鑠 適

故 貞 也 測 曰 堅 白 玉 形 變 可 為 也 以 成 器 物 故 可 為 也 次 三 堅 不 凌

或 泄 其 中 三 東 方 也 帝 之 所 出 在 於 堅 水 之 月 命 令 當

密 則 臣 不 固 臣 不 測 曰 堅 不 凌 不 能 持 齊 也 君 臣 相 失

密 則 身 之 失 也 故 不 齊 正

也次四小螽營營蟬其翊翊不介在堅蟬

蟬德也翊國也四為公侯

小為有國有土也小螽以諭民也民而營營須德乃安國不在大亦不在小惟德所由道正德固故在堅德也

測曰小螽營營固其氏也

氏本根也本固則末強也

次五翊大蟬小

虛

國小德大則民衆殷國大德小故民虛也

測曰翊大蟬小國虛空也

德不洽境

故民不足也

次六戴蟬紗紗縣于九州

六為上祿言戴德者德輕如毛民鮮能舉

之故言紗紗也以細微之德臨有九州九州之民縣命太虛故曰縣于九州也

測曰戴蟬之縣

民以康也

祐民以德故康寧也

次七堅顛觸冢

七為失志顛冢皆諭高也志失行張

故能自高堅高其行觸長若冢也

測曰堅顛觸冢不知所行也

苟能自高不如

世間之
所行也

次八惛堅禍惟用解蟄之貞

東方為龍故諭以解蟄也

故謂之貞也堅惛其禍不能以情服唯直者而正之也

測曰惛堅禍用直方也

解蟄

為蟄知直之方也

上九螽焚其翅喪于尸

王火入木木在火上炎焚揚起故燒九也

尸主也翅以諭民民而見焚君將安立故主喪也

測曰螽焚其翅所憑喪也

憑民

於君君賴於民民而見焚故主亡也



三方三州一部一家

成

人主陽家一水下象既濟卦

陰氣方消陽藏於靈物

濟成形

行屬於水謂之成者言此時陰氣方消靜於六位陽氣藏於靈祇之底謂地中也故萬物成其

形體故謂之成成之初一日入尾宿十五度

初一成若否其用不已冥

一君子也

不有其功雖有所成猶若否也
常而若否致用不已故冥也

測曰成若否所以不敗

也謙以得之故

次二成微改改未成而殆

二火也而在於水雖當相

害家性為成成熟於物當須水火令水
在火下故言未成未成而改故殆也

測曰成微改改

不能自遂也

未成重改故不自成遂也

次三成躍以縮成飛不逐

三為

進人故欲上躍躍而失位當反其故故以縮言之也家
性為成苟成而飛躍就尊位據有於衆人貴成功而不
追逐而責之也測曰成躍以縮成德壯也

必得高位德之壯也

次四將成

矜敗

四為公侯官亞天位據下行陽奉上猶陰臣道默從歸功於五而將自矜非道之正也

測曰

將成之矜成道病也

居下自矜道之病也

次五中成獨督大

五為天位

處中履和故曰中成尊無與比
故謂之獨量智四方故人也

測曰中成獨督能處中

也

能處中央
督天位也

次六成魁瑣以成獲禍

六為上祿故魁然
也瑣細也六近於

五土克於水故為之瑣雖居上祿
而不崇讓必見克害故獲禍也

測曰成之魁瑣不以

讓也

功成不讓
禍之招也

次七成闕補

七為失志故闕成也陽家
之陽君子之道也君子之

道善於補愆故
有闕則補之也

測曰成闕之補固難承也

補所愆者
難承繼也次

八時成不成天降亡貞

八木也秋之所成也秋之所成
而不所成者天降災也天降之

災故曰
亡貞也

測曰時成不成獨失中也

宜成不成
失中正也

上九成窮

入于敗毀成君子不成

陽家之陽故稱君子君子之言
示端而已也成事不說故曰不

成九為成終故曰窮也
窮當更生故小毀也

測曰成窮以毀君子以終也

終竟

成道君子之終始也

䷋

三方三州一部二家

闕

入玄陰家二火下中象噬嗑卦

陰陽交跌相闔成一其

禍泣萬物

行屬於火謂之闔者言此時陰盛陽藏交跌易位闔閉於下闔密如一萬物皆泣其禍未

除故謂之闔闔之初一日入箕宿一度

初一園方杌梲其內竅換

家性為闔當密

如一而水在火家更相克動如園鑿方杌梲梲不安

測曰園方杌梲內相失也

杌梲

不安故相失也

次二闕無間

二火也而在其行二火合會闔密如一故無間也

測曰無

間之闕一其二也

一陽二陰道相受也

次三龍襲非其穴光亡于

室

三為龍立冬之後故衰穴也念進於四故非也苟進非次失位妄據故無光榮於其室也

測曰龍

襲非穴失其常也

非穴亡室故云失常也

次四臭肥滅鼻利美貞

四為公侯五為天位天位稱肥四親近之故稱臭肥也鼻以和氣金在火家火燥於金故滅鼻也以陰求陽故利奉近尊位

測曰滅鼻之貞沒所勞也

上附至尊故沒身不殆也

次

五齧骨折齒滿缶

四為膚五為骨骨以諸陽四為口齒之象也行克於四故齒折也五為土

器故謂之缶陽氣在下六位純陰故言滿缶言陽氣滿上下也

測曰齧骨折齒大貪利

也

下克於上次六飲汗吭吭得其膏滑

六為上祿汗潤澤也神靈所祐

故潤澤多吭吭然也百姓蒙福若膏澤之濡滑也

測曰飲汗吭吭道足嗜也

福祿

天降故足者也

次七闕其差前合後離

木生於火七進得八與母同位故前合也退而

得六六水克之故後離也

測曰闕其差其合離也

進合退離位次然也

次八輔

其折虛其缺其人暉且偈

八木也在火之行火盛金衰故八輔之也金在火行故缺

小也母大以德虛之覆蔽其瑕故虛其缺也能掩二惡見已二美既有光暉當為英偈

測曰輔折

虛缺猶可善也

掩惡見美故可善也

上九陰陽啓告其變赤白

金九

也啓開也此十月之首陰盛陽開今當聚外故開啓也金玉火廢故變赤為白也

測曰陰陽啓

啓極則反也

極陰反陽也



三方三州一部三家

失

人玄陽家三木下上象大過卦

陰大作賊陽不能得物

陷不測

行屬於木謂之失者立冬節終於此首之次一

此時陰大賊陽陽無所據二氣不和萬物之生無所測立陰陽相失故謂之失失之初一日入箕宿六度初

一刺虛滅刃

虛空也刃滿也水為簿首故謂之刺順流刺下滿滅於空虛之地也

測曰刺

虛滅刃深自幾也

深以幾微自戒也

次二藐德靈徵失

藐小貌二稱小

人故小德也靈神也徵祥也小德之人不知天命家性為失不敬靈祥故失也

測曰藐德之失

不知畏徵也

不達天命故不知畏也

次三卒而從而卹而竦而于

其心祖

從卹竦皆是憂懼憂懼卒至之貌也而辭也祖始也憂懼卒始猶可心慮三未居官而近於四

恐卒見克害故竦憂也

測曰卒而從而能自改也

見憂而改則無憂也

次四

信過不食至于側匿

四為公侯陽家之陰則為小人小人居位故信過也既過而失故不

食也居祿不當

測曰信過不食失正祿也

應食而不食故失祿也

故有側匿也

次五黃兒以中蕃君子以之洗于愆

五為天子有輔相之臣土生於火火

謂七也故言黃兒謂年老者黃髮兒齒之徵也以自蕃輔承之以正故君子洗愆也

測曰黃兒以

中過以洗也

洗垢除愆君子所以得衆也

次六滿其倉蕪其田食其

實不養其根

六為天位小人居之不修其德而據上祿倉滿田蕪百姓罷極食實困恨本基不固

家性為失夫之甚也

測曰滿倉蕪田不能修本也

不田而獲本不修也

次七

疾則藥巫則酌

七為君子當反佐五忠告善道吐言如藥巫以謝闕闕除疾瘳酌以福之也

測曰疾藥巫酌禍可轉也

雖在夫家以良臣自輔也

次八雌鳴于晨

牝角魚木

八為飛鳥亦為聲音故言鳴也八又陰位故謂之雌尚書曰牝雞無晨此之謂也牝宜童

而角魚宜水而木家性為失失之甚也

測曰雌鳴于晨厥正反也

緣木求魚故正

反也

上九日月之逝改于尸

九為金也而在於木有克本之德陽稱君子君子之道執

行於世雖沒猶存九為失終不以年高日月已逝其有得失雖在尸樞猶念自改故曰于尸也

測曰改

于尸尚不遠也

言其志尚不以所失遠也

䷗

三方三州二部一家

劇

入玄陰家四金中下亦象大過卦

陰窮大泣陽無介僇

離之劇

行屬於金謂之劇者僇匹也離附也是時陰氣大盛奪陽之勢陽無一介以養萬物萬物附離

於陰陽方當外陰當窮訖故大注也羣匹窮

初一骨累

其肉內幽

骨幹也累猶禍也幹以諭君幽內也肉以諭親小人之道而在劇家下害其上禍由其內

故言內幽也

測曰骨累其肉賊內行也

骨肉之禍皆由內也

次二血出

之蝕凶貞

火在五行欲克於金未不克本故言血出血出以諭不順不順生災故言蝕也相克為凶

止則為貞止以相順故曰凶貞也

測曰血出之蝕君子傷之也

二為君子恐傷

金次三酒作失德鬼瞰其室

瞰見也金生於水鬱水如未故以酒諭家性為劇始

進之人未能蘊藉故酒失也失則為亂訟以致禍故鬼見室也

測曰酒作失德不能持

也次四食于劇父母采餒若

四為中祿而在劇世故食劇也

也蘊藉持已不及亂也

餽熟食也若順也采取也美食父母之順也

測曰食劇以若為順祿也

子得天祿

父母順取也

次五出野見虛有虎牧豬撻袴與襦

五土也故稱虛四為

虎六為豬五為君位而在劇世處於政治百姓去之如虎之牧豬喻益走撻其襦袴也

測曰出野

見虛無所措足也

避世而無所錯足也

次六四國滿斯宅

六為上祿下之

所仰如水之赴海故以滿宅諭也

測曰四國滿斯求安宅也

民蒙其福故安居也

次七庶而半而戴禍顏而

而辭也七為失志年過失志庶然半白而不改變故曰戴

禍禍在其顏見可知也

測曰庶而半而戴禍較也

戴禍在顏較然可見也

次

八餅繫于緇貞頤

頤純也餅所以出水須緇以汲之猶君須於民以及祿也君祿養民故曰

貞純也 測曰鉗纍于繡殿職迫也 職主也迫近也金上九

海水羣飛蔽于天杭

天杭天漢也金生於水故稱海水水羣而飛雨之象也亦猶劇世人

去其君不可掩蔽若天雨也

測曰海水羣飛終不可語也

劇世之民不可解語

而止之也

䷋

三方三州二部二家 人中象坤卦

陰氣大順渾沌無端莫

見其根

行屬於土謂之馴者言陰氣已順渾沌無端包其根原故當馴撫故謂之馴馴之初一日入斗

宿四度

初一黃靈幽貞馴

一為君子居土之行故謂之黃中央之色求克於一故謂之靈

馴者順從於土故幽貞也

測曰黃靈幽貞順以正也

順其性故正也

次二蠅

其膏女子之勞不靜亡命

二陰也膏潤澤也陰受於陽猶臣受於君妾受於夫也靜

安也國以安則潤澤以至生育女子之勞也不安不育是亡君夫之命也

測曰媼膏之亡不

能清淨也

女子勞類故不清淨也

次三牝貞常慈衛其根

牝陰也貞正也

陰道常慈順於君則能衛其本根也

測曰牝貞常慈不忘本也

能衛其根故不忘本

也次四徇其勞不如五之豪

徇衛也四為臣道有勞能自徇衛欲人稱知之故不

如五處柔順之尚以道得衆有豪友也

測曰徇其勞伐善也

自衛其勞故伐善也

五靈囊大包其德珍黃

五處尊位包有四方如有囊之所裹括也家性柔順故可珍愛

也測曰靈囊大包不敢自盛也

括囊其德不自盛大也

次六囊失

括泄珍器

六水也家性為順水性順下不可停貯故囊失括也括之不密珍器不固猶君不密則失

也臣測曰囊失括臣口溢也

囊失括故口溢也

次七方堅犯順利

臣貞

七火也火性有恒寒暑雖至不為增減猶正直之臣堅意犯顏不變其色臣之正也

測曰方

堅犯順守正節也

固意不撓故守節也

次八馴非其正不保厥命

八木也是金之財宜當順從反順其子欲上害九子上介八遠不能救木必見克故不保其命也

測曰

馴非其正無所統一也

所順非正故一無所統也

上九馴義忘生賴

于天貞

家性為馴九為之終終於善道展義忘生必得其正唯天知之故賴于天也

測曰馴

義忘生受命必也

順而以義必受命也



三方三州
二部三家

將

人玄陰家六水
中上象未濟卦

陰氣濟物乎上陽信將

復始之乎下

行屬於水謂之將者言陰成物於上萬物
順而相將故謂之將將之初一日入斗宿

九初一將造邪元厲

厲危也元始也一為下人造欲作
邪上侵於二火性炎上不得侵侵

而不得已自危
懼故始厲也

測曰將造邪危作主也

作主常危
故厲者也

次二

將無疵元辟

辟純也二為平人而在將大之家
故無疵瑕也人無瑕疵故大純也

測曰將

無疵易為後也

純厚之人故
易為後也

次三鑪鈞否利用止

治為
鑪陶

為鈞三為進人已見陶治當升
祿位四不可犯故利用止也

測曰鑪鈞否化內傷也

進而不止恐
見傷損也

次四將飛得羽利以登于天

四為公侯當
賓于王有羽

翼之助如鳥將飛也

測曰將飛得羽其輔彊也

將飛得羽以益

故為利登于天也

彊也次五大爵將飛拔其翮毛羽雖衆不得適

五為陰家之陽小人

之象雖在天位其道不正故稱大爵爵大人微如鳥將飛而失其翮也無翮失羽不得適也

測曰大

雀拔翮不足賴也

羽翮不足故非賴也

次六日失烈烈君子將衰

降

降下也五為日中故六為日失也烈烈盛也日之無恒在中之後故言烈烈也日稱君子時過將暮故將

衰降

測曰日失烈烈自光大也

雖衰猶烈故大也

次七趺船跋

車其害不遐

七為失志船車載治之具賢者亦治世之具也失志之王故踟蹰之不親治正故害

不遠也

測曰趺船跋車不遠害也

棄治之具害自已招故不遠也

次八小

子在淵丈人播船

八木也故稱船為得父故稱丈人小子謂百姓也在禍難中若在淵也丈

人播船而濟之猶以禮義濟於世也

測曰丈人播船濟溺世也

濟溺之急唯船是用

丈人得之也

上九紅蠶緣于枯桑其繭不黃

九為毛蟲故為蠶蠶之初生有

毛為老故謂紅桑謂八也為九所克故枯也在八之上故緣也蠶須桑民須食老蠶遇枯故紅繭不黃也食紫桑者其繭黃

測曰緣于枯桑蠶功敗也

大而緣走故敗也

䷋

三方三州難

人玄陽家七火上下象蹇卦

陰氣方難水凝地拆陽

弱於淵

行屬於火謂之難者大雪之節陰氣亢極水凝地拆陰極陽生方當龍變度難却而已故謂之

難難之初一日入斗宿十三度

初一難我冥冥

初九將起難却羣陰而上今尚在地故言難

我冥冥也我謂陰氣也

測曰難我冥冥未見形也

尚在地 下故形體未見也

次

二凍冰漬狂馬楸木

漬敗也冰而得火故敗也二為馬火中之馬若狂之象也楸差也湯

在木下差次當上故言差木也

測曰狂馬楸木妄生也

氣遠來復如妄生也

次三

中堅剛難于非常

首居蹇難家性屬火木當是時枝葉搖落復為火所燥故中堅剛也陰氣

極盛陽未發生難非常也

測曰中堅剛終莫傾也

雖為陰困木終不傾也

次四

卵破石暇

四為難故稱卵卵在金石之間故破也卵陰物也為陽所亂故暇也

測曰卵破

之暇小人難也

卵而暇故大也

次五難無間雖大不勤

五為天位

而在難世重門居尊不可得泄故無間也居上臨下下之所奉故不勤也

測曰難無間中密

塞也

重門自固故中密也

次六大車川川上較于山下觸于川

六為

上祿故乘大車也

上則較山謂九在上也川川重遲之貌也下觸于川謂車非水物也

測曰大車

川川上下較也

較于山者也

次七拔石砢砢力沒以盡

石以諭難

砢砢難致之貌此難世也失志之王不可輔正雖當託忠砢砢如石非才所堪故力盡也

測曰拔石

砢砢乘時也

乘於時難故力盡也

次八觸石決木維折角

陰為石陽氣當

上觸陰而進故觸石也八為龍木當用事金克於木故折角也

測曰觸石決木非所治

也

以弱治剛故非所任也

解豸直獸也有疑則

以角觸之乃別其曲直也而終為人別曲直故可行也

測曰角解豸終以直之也

稟性平直

終不曲也



三方三州
三部二家

勤

人玄陰家八木
上中象坎卦

大陰凍沍難創於外微陽

邸冥膂力於內

行屬於木謂之勤者言是時陰氣无壯
陽從九天當下於泉將甚勤勞故謂之

勤勤之初一日

初一勤于心否貞

水出於泉而流百川
晝夜不舍實勞其心

入斗宿十八度

初一勤于心否貞

水出於泉而流百川
晝夜不舍實勞其心

故勤于心也陰當降退

測曰勤否貞中不正也

水唯赴
下無常

故否陽正當上故貞也

測曰勤否貞中不正也

水唯赴
下無常

正次二勞有恩勤慳慳君子有中

二火也子在母行母
氏勞苦勞而不怨慳

勤之意也慳慳信慳之貌

測曰勞有恩勤有諸情也

恩勤

君子信慳故有中誠也

測曰勞有恩勤有諸情也

恩勤

之意情有之也

次三羈角之吾其泣呱呱未得經杖

吾者我也
我謂二也

二為三子而見羈角不枝不求何用不臧義不犯難故泣呱呱也幼者宜繼老者宜扶勤苦之家故未得也

測曰羈角之吾不得命也

更相羈角不得尊者之命也

次四勤于力

放倍忘食大人有克

克勝也四為公侯而在勤家故勤其力故心倍意忘食奉時雖大人

者亦不能勝也

測曰勤力忘食大人德也

人生在勤以成大人之美德也

次五

往蹇蹇禍適福遠

五為天位蹇蹇平直也家性為勤念相勤卹六水近五見克為禍故禍近

也七生於金故福遠也

測曰往之蹇蹇遠乎福也

言所福者遠在九也

次六

勤有成功幾于天

六為宗廟下之所奉勤苦之世故有成功功成身退近得天福故幾于天

也測曰勤有成功天所來輔也

天之所助來賢輔也

次七勞老不得

其鼻子尾弊

七為繩故牽也午為馬馬牛之類也牽牛不得其鼻而尾者故勞弊也

測曰勞

牽之弊其道逆也

舍鼻取尾故逆也

次八勞蹢蹢心爽蒙柴不

却

蹢蹢慙媿貌也爽差也八為疾疾年老抱疾故有慙也老木稱柴心雖差貳蒙柴自終不貳也

測曰

勞蹢蹢躬殉國也

殉衛也勤力之家以身衛國也

上九其勤其勤抱車

入淵負舟上山

家性為勤九為之終終於勤苦之事舟反上山車反入淵反覆之難故重其勤

也

測曰其勤其勤勞不得也

車淵舟山不得其所之也

䷗

三方三州三部三家

養

人玄陽家九金上上象頤卦

陰弼于野陽藎萬物赤

之於下

行屬於金謂之養者言是時陰氣盛極陽氣隱藏淵深萬物之根芽使皆芽赤於地下養長使

出故謂之養養之初一日入斗宿二十二度初一藏心于淵美厥靈根也

美茂也水

最在下故為淵靈根道德也家性為養養神於淵道德彌成故茂也

測曰藏心于淵神不

外也

在於淵中故不外也

次二墨養邪元函否貞

貞正也元始也函容也二者陰

位故稱墨也火在五行恐見克害故言養邪始見容載故貞終也不相讓故否也

測曰墨養邪

中心敗也

邪於中故心敗也

次三糞以肥丘育厥根

三木也火生土

故三為肥丘木生肥丘根莖見育育猶君子以義化人人得以如草木之生肥丘也

測曰糞以肥

丘中光大也

民蒙君化故光大也

次四燕食扁扁其志僂僂利用

征賈

四為公侯之位陽家之陰又稱小人小人而居大位不能以正扁扁若燕既飛且食或得或失僂僂

然也兌為口舌故利行賈明

測曰燕食扁扁志在賴也

非王臣王臣尚蹇蹇然也

賴利也志在於利欲也

次五黃心在腹白骨生肉孚德不復

五為天位

多包稱腹在中為黃陽為白骨能生肉也信不復也

測曰黃心在腹上得天也

而君

黃心黃中通理得天之心也

次六次次一日三餽祇牛之兆肥不利

六為宗廟次次次睢不安之貌也祭祀之事惟疎惟懼猶不可數數則致瀆瀆則不敬家性為養雖當養神一日三餽猶為數也是養牛之肥卜之已兆無所利也

測曰次次之餽肥無身也

已卜

之牛待肥則用故無身也

次七小子牽象婦人微猛君子養病

小人謂六

也婦人謂四也五為中六牽之也三為虎而四在前故微星之也故七為君子六四勞病故七養之馳騁發狂

故病也

測曰牽象養病不相因也

小子婦人各不相因緣也

次八鯁不

脫毒疾發鬼上壅

六為疾癰小人居之故有鯁害不脫之疾鯁而不脫故毒發也木近於金

當見克害害人為鬼故鬼上壅也

測曰鯁疾之發歸于墳也

疫發鬼見故歸於墳

也

上九星如歲如復繼之初

九為金石之精上為星宿星宿之相次如歲月之相

襲新故相易周而復始後嗣之君復為之初初為故也先後相傳終始相扶以道相養轉相迎致百世不遷玄之道

測曰星如歲如終始養也

終始相養不相越失也

躋贊一

屬水象閏

凍登赤天晏入玄泉

一水也而次於九者金所生也言玄道相

襲不常所終而已故益之以水火歲歲之數故有二贊凍至寒也而天至高也晏至熱也而泉至深也以井中

之凍知天日之熱以卑知高氣應然也水王於天建測
子之月寒而登天熱而入泉以避其害無怪異也

曰凍登赤天陰作首也

凍在天上故為首也

贏贊二

屬火象閏

一虛一

贏踦奇所生

二南方也盛夏之時萬物所長而繼之養首下者言當養盛萬物也晝夜贏虛踦奇

其數以滿三百六十五日四分日之一一歲虛之所生也
玄有三方九州二十七部八十一家二百四十三表七
百二十九贊而生二萬六千二百四十四策以周三百
六十五日四分日之一七十二策為二日故得一三百
六十四日有半不起四分日之三應得五十有四策乃
成之耳故有水火二贊以合歲之日也如此則歲盡於
亥及子復生矣也

測曰虛贏踦奇禪無已也

陰極陽生更相禪代無窮已也

太玄經卷六